



सानसेयारि "बड'सा" खरीरालाइयाव  
स्माज्यादि जिज्जो लोब्बा थानाय रायथाय, खन्थाय,  
सल', सल'बाथा आरु बावबायदि थावनि, पार्क  
बाइदिनि स्याथाय लिन्नाय लिन्बिबां दैथाय डर/  
सानसेयारि "बड'सा" खरीरालाइया खेबखानावै  
फोखावगोब।  
बड'सायाव लिन्हरनायनि हुबा खालाम,  
"बड'सा" खरी नोथि, जो बयबो आंगो खालाम।  
सानसेयारि बड'सा मावखुनि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Monday ★ 29 January, 2024 Kokrajhar, BTC, Assam ★ Vol.-33, Issue No. 300 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-

हमारा संकल्प विकसित भारत

## मदि सरकारनि गरेन्टि

साफ्रोमबो गोरिबफोरनि 55 कौटि सुबुंफोरनो बोसोरफ्रोमबो  
बेसेननाडै फाहामथाय 5 लाख रांसिम फाहामथायनि रादाय

बिसिने मिथिनो थाखाय स्केन खालाम

## राजखास्थियाव फेक्टर जानो हायाब्ला ट्राइबेलफोरा सानसे गोमोरलांगोनः दिपेन बर'

कक्राझार, 28 जानुवारी: अल आसाम ट्राइबेल संघिन 39थि थाम बोसोरारि जथुम्माया 27, 28 आरु 29 जानुवारी, 2024 सानथामनि मेहेर गोनां हाबाफारिनि गेजेरजो जननेता भिमबर देवरी क्षेत्र केतिअरि हायार सेकेण्डरि फरायसालियाव गाजा-गोमजायै खुंजागासिनो। बे बोसोरारि जथुम्मानि दिने नैथि सान। नैथि साननि हाबाफारि बायदियै बे जथुम्माजो लोब्बा लाखिनानै खुंफुनाय नैथि थान्दै मेलआव बेखेवगिरि आलासि महेर बाहागो लायो दुलाराय बर' फरायसा आफादनि आफादगिरि दिपेन बर' बिथांआ। गावनि बेखेव बिबुंथियाव बिथाड



आसामाव ट्राइबेलफोरनि जेना आरु बे जेनाफोरखो खौसेयै सुखानांगोनि सायाव बिबुंथि लाखिनानै राजखास्थिजोसो ट्राइबेल हरिनि जेनाफोरखो खौसेयै सुखानो हागोन होनानै राजखास्थियाव फेक्टर जानो हायाब्ला ट्राइबेलफोरा सानसे गोमोरलांगोन होनानै बयखौबो खौसेयै थानो खावलायो।

## मिरु यगा आरो नेचार'पेथि संदानग्रा फसंथाननि अन्थाइ खाम्फा गायसन्दों

सरससनरा सुबुंफोरनो मोजां देहाजो जिउ खानायाव गोनाथि होनानै गोदो-गोदायनि देहा सिबिथायनि आसारखास्थिखौ फिन फोथांफिन्नायनि थाखाय मिरु सरकारआ थादनाय गैयै खामानि मावबोदों: गिबि मन्थि

दिसपुर, 28 जानुवारी: आसामनि गिबि मन्थि डो हिमन्त बिश्व शर्माआ दिने मिरु गाथोन, जाहाज हान्था-मेला, दै लामा आरु आयुष बिफाननि मन्थि सर्बानन्द सनवालजो डिब्रुगड्आव सा-सान्जानि गिबि गं 100 बिसिना गोनां देहा फाहामसालिजो लोगोसे मिरुयारि यगा आरो नेचार'पेथि संदानग्रा फसंथाननि अन्थाइ खाम्फा गायसोनो। मख'नो



गोनादि, गासै 100 कौटि रां बाहायनायजो 45 बिघा हायाव लुजानो गोनां बे फसंथाननि लुनाय खामानिया 2026 माइथायनि गेजेराव आबु खालामनायनि थाखाय थांखिखो थि खालामनाय जादों। बे फसंथानआ डिग्री, पिजि आरु डक्टरेट डिग्रीनि सोमोन्दे सोलों थायारि हाबाफारिनि थाखाय यगा आरो नेचार'पेथिनि (□ 5 बिलाइआव)

## 3थि कक्राझार थुनलाइयारि फोर्बो-2024

हादतयारि आरु गुबुन हादतयारिनि सा 180 खन्थाइगिरि-थुनलाइगिरिफोरनि बाहागो लाफैनायाव गोजोनै खुंजागासिनो दड

कक्राझार, 28 जानुवारी: कक्राझार सोहोरनि गौरां दैसा सेरनि साखास्थियाव मैया शनिबारनिफ्राय हादतयारि आरु गुबुन हादतयारिनि रावआरि सोदोबनि खुंगा मेथाइ रिखानाय बादि ओन्सोलनाडेनो गोमखादों। गुबैयै रावखो बुजिनो मोनाखे जानांगो, नाथाय राव सोदोबनि बुंथिनायाव रिखानायफोरखो खोनानो मोन्दों। बेनो जानो हागौ थुनलाइ आयदायाव खन्थाइनि धोरमो, थुनलाइनि गोहो। जेबो बुजिनो हायाखैब्लाबो मिबथिनो मोनोदि, खन्थाइगिरिनि गोबोयाव मानि सावरायथाइ जादों। मख'नो गोनादि, बिटिसि खुंथायनि बान्जायनायाव बे खेबावबो बड'फा



हारिमुवारि बिथांखिनि लांगोनायाव मैयानिफ्राय जागायजेनबाय 3 थि कक्राझार थुनलाइयारि फोर्बोआ। सानथाम नाडे हाबाफारिजो जागायजेनबाय बे थुनलाइयारि फोर्बोआ दिने नैथि सानाव आगान होबाय। दिने नैथि (□ 5 बिलाइआव)

## श्री श्री ठाकुर अनुकुल चन्द्रनि 136थि जोनोम सान फालिथायजो लोगोसे थुरिबारि आन्सलिक सतसंग बिहारनि सनाथि माइथाय फोर्बो फालिथाय खुंदों



कक्राझार, 28 जानुवारी: कक्राझार जिल्लानि सिडव थानाय रामफलबिल आफलागाव हालामनि थुरिबारि गामिनि थुरिबारि आन्सलिक सतसंग बिहार केन्द्रनि साखास्थियाव थानाय लांदां फोथाराव दिने सानसेनि मेहेरगोनां हाबाफारिजो गाजा-गोमजायै श्री श्री ठाकुर अनुकुल चन्द्रनि 136थि जोनोम सान आरु थुरिबारि आन्सलिक सतसंग बिहारनि सनाथि माइथाय फोर्बो फालिथायखौ थुरिबारि आन्सलिक सतसंग बिहार, दतमा सतसंग केन्द्र सेरफांगुरि सतसंग केन्द्र आरु इन्टिबिल सतसंग (□ 5 बिलाइआव)

## लेखा गोरों जायोब्ला खोमसियावबो लामा आन्दाया: डो अजित बर'

बिस्वनाथ, 28 जानुवारी: बिस्वनाथ जिल्लानि सिडव थानाय हिरिम्बा फोथार अलंवार गेजेर आरु गोजो मेलेग्रा फोथारआव दिने 28 जानुवारी अक्टखालि नदुवार गुदि बर' थुनलाइ आफादनि सनाथि माइथाय फालिथाइजो लोगोसे बिस्वनाथ जिल्ला बर' थुनलाइ आफादनि 21थि थान्दै जखन्थाइ



मेल खुंनाय जादों। बे हाबाफारिनि लोब्बायैनो दिने मोनसे सोलोंथाइ सांग्रिथि मेलबो खुंनाय जायो। बे सोलोंथाइ सांग्रिथि मेलआव सोलोंथाइगिरि आरु गसाइगाव बि.एड फरायसालिमनि गोरायुं डो अजित बर'आ फुंखा सुबुं महेर बाहागो लानानै फरायसाफोरखो (□ 5 बिलाइआव)

## खौसेथि बर' सुबुं आफादनि खुंगा 10थि बोसोर सालिया जथुम्माया जागायबाय

गेरेमसा माहारि दानाय आरु हरिनि बोस्त्रांजायै जेनाफोरखौ बोस्त्रांनयनि थाखाय एबसु आरु इडबिपिअआ खौसेयै खामानि मावलांगोनः दिपेन बर'

शराइदेउ, 28 जानुवारी: बिटिआरनि बाइजोआव थानाय बर' फिसाफोरनि खौसेथि, सोलोंथायारि जेना, समाजआरि, रांखास्थियाय आरु राजखास्थियायि मोन्थायनि थाखाय खामानि मावनायनि गुबै थांखिजो दाजानाय बर' हरिनि गुबुन मोनसे माहारियायि आफाद इउनाइटेड बड' पिपुल्स अर्गेनाइजेसन (इडबिपिअ) थामहिनबा खौसेथि बर' सुबुं



आफादआ सिगां बोसोरफोराव बोसोरबो आफादनि बोसोर फालिबोनाय बायदिनो बे सालिया जथुम्माखौ खुंनाय जादों। खौसेथि बर' सुबुं आफादनि खुंगा 10थि बोसोरसालिया जथुम्माया (□ 5 बिलाइआव)

बासुगाव, 28 जानुवारी: चिरां जिल्ला प्रेस क्लबाबनि बोसोरारि जथुम्मा खुंदों

बिस्वनाथ, 28 जानुवारी: बिस्वनाथ जिल्ला प्रेस क्लबाबनि बोसोरारि जथुम्मा खुंदों







## निज्जर बुथारनाय जाथायाव भारतनि मदद मोनगासिनो दड



अटवा, 28 जानुवारी: कानाडानि सासे 'बारग' माहारियारि रैखाथि बोसोनगिरिआ बुंदोदि, ब्रिटिस कलम्बियाआव सासे शिख अलगावबादी दैदेनगिरिखौ बुथारनायनि फार्से सोलिबाय थानाय नाइबिजिनयाव भारतआ आथिखालाव कानाडाखौ हेफाजाब खालामगासिनो दड। लोगोसे बिथाडा बुंदो, बे केसआव माखासे दान जेनानि उनाव दरनै हादरफोरनि सोमोन्दोआव साबसांदो।

कानाडानि बारग' माहारियारि रैखाथि बोसोनगिरि जडि थमासआ थानाय शुकुबाखालि मोनसे मोगा-मोगिन समाव बे बाथ्राखौ बुंदो। बिथाडा बुंदो, भारतआ आथिखालाव थानाय बोसोरनि जुन दानआव कानाडानि सरे सहरआव खालिस्ताननि अलगावबादी आरो मुंदाखा उतखारि हरदीप सिं निज्जरखौ बुथारनायनि सोमोन्दै नायबिजिनयाव हेफाजाब खालामगासिनो दड। बेयो गिबि खेब जेब्ला सासे

कानाडानि बिबानगिरिआ गनायनानै लादोदि, निज्जरखौ बुथारनायनि सायाव जेनानि गेजेरजो कानाडानि भारतनि हेथायै हेफाजाब होयैनि दाय जाबसिन्नायनि उनाव भारतआ माखासे बिथिफोराव आवगायदो। बुथारनायाव भारतनि आखाइ दड होनानै सन्देह खालामनानै कानाडानि गाहाइ मन्थि जास्टिन ट्रुडिन दाय जाबसिन्नायनि उनाव थानाय बोसोराव दरनै हादरफोरनि गेजेराव थानाय सोमोन्दोफोराव माखासे जेना सोमजिनयावखौ नुनो मोन्नाय जादोमोन। भारतआ बे दाय जाबसिन्नायखौ नेवसिगारदोमोन। आथिखालाव 26 जानुवारिखालि आजिरा लानाय थमासनि बिबुंथिनि सायाव भारत सरकारनि फार्सेनफ्राय जेबो मावख'यारि फिन्नाय फैयाखौ।

गोदान दिल्ली, 28 जानुवारी : चीनआ जेब्लायबो गावनि फुवारनाय खांथिनि थाखाय खौराडव फैबाय थयो। गावनि नसुंसे हादतफोरजो चीननि सोमोन्दोया मोजां नड। बेनि गेजेराववो ताइवाननि रैखाथि मावख'या गिदिर दाबि देखांदो। बिथाडा चीननि सायाव दाबि देखांदोदि, 26 जानुवारीनि फुंनफ्राय लानानै अखानाय फुंसिम चीनआ एसड-30 दावहा नांग्रा उरां आरो गं 6 दै सांथिनि जाहाजजो लोगोसे गं 33 उरां जाहाजफोरखौ द्विपयारि हादत ताइवाननि सोरगिदि थिसन्दोमोन। गासै गं 33 उरांफोरनि गेजेराव गं 13 दावहा नांग्रा उरांफोरा ताइवान दै गेजेराव सिमफायनानै हाबदो होनाबो बिथाडा दाबि देखांदो। मख'जाथावदि, चीन आरो ताइवाननि गेजेराव बे रदाया मोनसे मावख'यारि नडै सिमना। मोनसे रिपर्टनि



बायदिल्ला, बे गासैबो बे समाव जादो, जेब्ला चीननि गुबुन हादतयारि मन्थि वांग यीआ शनिबारआव गोखोडै बुंदोमोनदि, ताइवाननि उदांसिया चीन आरो आमेरिकानि सोमोन्दोनि थाखाय मोनसे गिदिर खैफोद जानो हागौ।

थानाय बोसोराव सेन फ्रान्सिस्कआव एसिया-प्रशान्त रंखाथियारि हेफाजाब शिखर समेलननि समाव आमेरिकानि हादतगिरि बाइडेन आरो चीननि हादतगिरि जिनपिंआ लोगो हम्मज्जायदोमोन। दिने 28 जानुवारीयाव चीननि गुबुन

हादतयारि मन्थि वांग यीया बेंककआव आमेरिकानि माहारियारि रैखाथि बिथोनगिरि (एनएसए) जेक सुलिबावजो लोगो हम्मदो। चीननि गुबुन हादतयारि मावख'नि बायदिल्ला, वांआ सुलिबावजो जथुमायाव

ताइवानआ चीननि इसिडारि आयदा होना बुंदो, ताइवाननि ओन्सोलारि बिसायख'थिया ताइवानआ चीननि बाहागो जानायखौ सोलायनो हाया। लोगोसेनो बिथाडा गोखोडै बुंबावोदि, आमेरिका आरो चीननि गेजेराव बादायलायनाय दड, नाथाय दरनैबो हादतआ बेखौ दावहा एबा जेनायाव सोलायलायनो होबथानांगो। मोनसे रिपर्टनि बायदिल्ला, ताइवान दै गेजेर गोरोबथायाव गोजोन आरो दिदोमथिनि थाखाय बयनिखुइबो देरसिन खैफोदआ जादो ताइवान उदांसि सोमावसारनाय। फारसेथि चीननि बायदिल्ला, चीन - आमेरिका नि सोमोन्दोनि थाखाय बयनिखुइबो देरसिन सेलेन्सआ जादो ताइवान उदांसि सोमावसारनाय।

## कलबारिआव एपिएससि उथिसारनाय, गोदानै थिसन्थाय मोन्नाय प्रफेसार, गुन गोनां फरायसाखौ बरायदो

भबानिपुर, 28 जानुवारी: भबानिपुरनि खाथियाव थानाय कलबारि गामिनि कठालतलियाहाति रंखाथियारि आफादनि बान्जायनायाव मैया मालदडा फोथराव खुंनय मोनसे राइजोआरि मेलाव कलबारि गामिनिफ्राय बावैसो फोसावनाय एपिएससि आन्जादाव उथिसारनो हानाय, गोदानै थिसन्थाय मोन्नाय प्रफेसार आरो गुन गोनां फरायसाफोरखौ बरायनाय जायो। कलबारिनि कठालतलियाहाति रंखाथियारि आफादनि आफादगिरि मानिक दासनि आफादगिरि मासि सामब्लायनायाव खुंनय आरो सरुपेटानि गामि गाहाइ परगज्यति चौधुरीआ दैदेनाय मेलाव बावैसो फोसावनाय एपिएससि आन्जादाव उथिसारनो हानाय कलबारि गामिनि अनुपम दास, कलबारि गामिनिनो



लाइमोन आरो भबानिपुर दरखर फरायसासिमानि गोदानै थिसन्थाय मोन्नाय प्रफेसार ममि दासखौ कठालतलियाहाति रंखाथि आफादनिफ्राय बिहु फालि, मान बिलाइजो बरायनाय जायो। बेनि अनगायैबो

गोनांदि, मेल जागायजेनायाव कठालतलियाहाति रंखाथि आफादनि नेहाथारि असिन्त्य कुमार दासआ थांखि बेखेवनानै होनाय बराय मेलाव अनुपम दास आरो ममि दासआ गावसोरनि जाफुंसारनायनि सायाव बिबुंथि होनायजो लोगोसे कलबारिनि गागि नोगोरारि फारियै हरिचन्द्र दास, खनिन्द्र नाथ चौधुरी, खर्गस्वर बायन, एमुल्य कलिता, महदर बायन, कल्यान दास, प्रनबन्धु दास, जतिन बायन, अक्सय बायन, आजिरा मोन्नाय फोरिंगिदि दिम्बेस्वर बायनजो लोगोसे माखासे गागि सुबुंफोरा आलासि महैर बाहागो लायो।

क ल ब ा रि नि कठालतलियाहातिनि थागिरि गोजो आरो गोजोसिन गेजेरारि जोबथा आन्जादआव जाफुंसारनो हानाय सानै फरायसा फारियै प्रान्जल दास आरो रिजु बायनखौ बरायनाय जायो। मख'नो

इम्फल, 28 जानुवारी: मनिपुरनि चुराचान्दपुर जिल्लायवा मोनसे ट्राइबेल आफादआ बुंदोदि, गावसोरनिफ्राय भारत-म्यान्मार सिमनायाव बेरा होनायनि थाखाय मिरुनि थिरंथाखौ हेथा खालामगोन। आइटिएएफजो फोसावजानाय बे बिबुंथियाव बुंनय दडदि, इन्डेजिनियास ट्राइबेल लिडार्स फरामआ शनिबारआव जिल्लानि गाहाइ मावख' नोगोरआव मोनसे राइज्योयारि सावयमेल खुंनय जादोमोन। जेराव भारत-म्यान्मार सिमनायाव बेरा बानायनाय आरो उदाइ थांलाय-फैलायनि राहाखौ फोजोबनायनि मिरुनि थिरंथाखौ गावसोरनिफ्राय हेथा होनो थांखि



लादो। मख'नो गोनांदि, उदाइ थांलाय-फैलाय खालामनायनि खाबुआ सिमनानि फारसैथिजाय थानाय सुबुंफोरखौ भिजा गैयालासे गावजो गाव 16 कि:मि: गोथीसिम दावबायलायनो खाबु होयो। भारतनि दरखे राइज्योफोर फारियै अरुनाचल प्रदेश, नागालेण्ड, मनिपुर आरो मिजरामआ

बादिल्ला, 2021 नि नसुंसेयारि हादरआव रौनिया बिग्रायखानायनि उनाव म्यान्मारनिफ्राय सा 31 रोजानिबो बांसिन सुबुंफोरा मिजरामआव आश्रय लाफेदो। जायनि गेजेराव गोबाडानो मिनपुरआवबो थाफेदो। मिरु नख'र मन्थि अमित शाहआ थानाय 20 जानुवारिखालि गुवाहाटीआव नरेन्द्र मदि सरकारआ भारत-म्यान्मार सिमनायाव सुबुंफोरनि उदाइ थांलाय-फैलायखौ फोजोबसांगोन आरो बेनि थाखाय बेरा होनानै दोनगोन। जाहाथे बांलादेशजो हादरनि सिमनाआ रैखाथियाव थयो।

## बोथोर बिफानआ माखासे राइज्योनि थाखाय गोदान आपडेट फोसावदो



गोदान दिल्ली, 28 जानुवारी: बोथोर बिफाननि बायदिल्ला, फैगो 2 साननि उनाव उत्तर प्रदेश आरो बिहारआव रोजानिफ्राय बांसिन खुवा खुनायनि सन्देह दड। बेनि उनाव लासै-लासै सोलायलासिगोन। फारसैथि 28-31 जानुवारीनिफ्राय मोनसे गोदान सोनाबारि नारसिन्थाया हिमालय ओन्सोलाव गोहोम खोखैलायनि सन्देह दड। फैगो 2 सानआव (27-28) जम्मु, काश्मीर, लद्दाक, गिलगित, बाल्तिस्तान, मुजाफ्फारबाद आरो हिमाचल प्रदेशआव सरासनस्त्रा अखा आरो गुसु बारहावा बारनायनि सन्देह दड। बेनि उनाव 29 जानुवारीनिफ्राय 1 फेब्रुवारीसिमनि गेजेराव गोबां अखा हागोननि सन्देह दड। खौर एजेन्सि एएनआइनि बायदिल्ला, दिल्लीआव बोथोरआ गात्रि जानायनि जाहोनाव गोदान दिल्लीनि रेलवे स्टेसनआव ट्रेनफोरा गोबाव समजो सौहेदो। रोजा खुवा खुनायनि जाहोनाव रबिबारखालि फुंनि समाव दिल्लीआव थांलाय-फैलाय खालामनाय दावबायारिफोरा ट्रेनि सिबिथाइखौ मोन्नो हायाखै। फारसैथि दिल्लीआव थांग्रा रेल दावबायारिफोरा गोबां सम सिम जेनाजो भुगिनांदो। आइएमदिनि बायदिल्ला, 27-28 आव सान्जा उत्तर प्रदेश, पान्जाब, हरियाणा, छन्डिगाड, सोनाब उत्तर प्रदेश आरो बिहारनि माखासे जायागायाव हर आरो फुंनि समाव माखासे घन्टानि थाखाय रोजानिफ्राय बांसिन खुवा खुनायनि सन्देह दड।

## पाकिस्ताननि पान्जाबआव निमनियार्जो सा 244 उन्दैफोरनि जिउ गोमादो




गोदान दिल्ली, 28 जानुवारी: पाकिस्ताननि पान्जाबआव निमनियानि गोहोमजो गोबां जेना नुजाथिदो। निमनियार्जो भुगिनांनानै बैयाव गोबां उन्दैफोर जिउ गोमादो। सोलिफु जानुवारिआवबो बैयाव दासिम सा 244 उन्दैफोरनि जिउ गोमाबाय। मिडिया रिपर्टनि बादिल्ला, थानाय 24 घन्टयाव पान्जाबआव बे बेरामजो सा 7 उन्दैफोरनि जिउ गोमाबाय। पान्जाबनि देहा बिफानआ मिथिहोनाय बादिल्ला, थानाय 24 घन्टयाव राइज्योनाडै निमनियानि 942 गोदान केस थिसन्नो मोन्दो, जेराव लाहरआवबो 212 गोदान केसखौ रोखा खालामो। देहा बिफानआ फोरमायदोदि, पान्जाबआव सोलिफु दानावबो दासिम निमनियार्जो लोब्बा थानाय बेरामआव गोगैलानै सा 244 जिउ गोमाबाय, जेराव

लाहौरआवबो सा 50 जिउ गोमानाया दंफायो। देहा बिबानगिरिआ निमनियानि केसआव आरो बेजो लोब्बा गोनां जेनाजो जिउ गोमानाया बांसिन जानायनि थाखाय गोजां बोथोराव हादरिजो सोमजिनयाव आबहावा गेब्रेनायखौनो बेनि जाहोन होनानै गनायदो। बिथामोनाह गोजां बोथोरनि समाव आबहावायाव थानाय

हाद्रीआ निमनियानि केसआ बांनयाव मख'जाथाव बिहोमा होयो होनानैबो बुंदो। पान्जाबनि देहा बिबानगिरिआ निमनियानि गोहोमखौ होबथानायनि थाखाय सुबुंफोरनि गेजेराव सांग्राथि आरो गुबुन राहाफोरनि गोनांथिनि सायाव गोनांथि होदो। निमनियार्जो सम्पल'जो सोमोन्दो गोनां बेराम, जाय सरासनस्त्रायै भाइरसनि थाखाय जायो। बेयो गगा मोन्नाय एबा फ्लुनि लोखोन नुजानायनि उनाव जानो हागौ आरो माब्लाबा सरासनस्त्रा आरो माब्लाबा गोब्राब बेरामनि महर लानो हागौ। मख'जाथावदि, निमनियानि बेरामआ 5 बोसोर आरो बेनि खमसिन बैसोनि उन्दैफोरनाव बांसिन जायो।

## दिल्ली एनसिआरजो लोगोसे माखासे राइज्योफोराव अखानि एलार्ट फोसावदो



गोदान दिल्ली, 28 जानुवारी : जानुवारीनि जोबथा सानफोरबो गोजानायनि गोखो गोहोमखौ गासै सा भारतआवबो नुनो मोन्दो। अदेबानि दिल्ली-एनसिआरजो लोगोसे माखासे ओन्सोलफोराव बोथोरा गाहामैनो थादो आरो रोजा खुवाबो नुनो मोनाखै। बेनि जाहोनाव साननि समाव बिदुडा गरम जानानै थयो नाथाय गोजानाया खम जायाखै। बोथोर बिफानआ दासिमबो गोजानाया जोबलानायनि जेबो इसारा होयाखै। बिफानआ बुंदोदि, खुवा खुनायनिफ्राय इसे रैहाय मोन्नो हागौ, नाथाय फेनो गोनां

माखासे सानफोरसिमाव बेबायदिनो गुसु सोलिबोबाय थागोन। फारसैथि बोथोर बिफानआ फैगो सप्ताहयाव हादरनि माखासे जायगाफोराव अखा हागोन आसाखौ फोरमायदो। दिल्ली-एनसिआरआव मेक्सिमाम बिदुआ 24 डिग्रि सेलसियास थिसन जायो, जाय सोलिफु दाननि बयनिखुइ बांसिन। फारसैथि मिनिमाम बिदुआ 4.3 डिग्रि सेलसियास थिसनजायो। बोथोर बिफाननि बायदिल्ला, दिल्ली आरो बेनि खाथि-खालानि ओन्सोलफोराव 31 जानुवारी एबा बेनि उनाव सेस

अखा हानो हागौ। फारसैथि माखासे सानफोरसिमाव गेजेर थाखोनो खुवा नुनो मोनबावगोन। बेरफारसैथि सा भारतनि हाजोयारि राइज्योफोरनि बाथ्रा बुडोब्ला, बेयाव बरफ गोभलैगोननि एलार्ट फोसावदो। उत्तरखान्डनि माखासे समान हायेन ओन्सोलफोराव बोथोर बिफानआ खुवानि येल'एलार्ट फोसावदो आरो हाजोयारि ओन्सोलाव फ्रि-फ्रि बरफ गोभलैनायनि येल'एलार्ट फोसावदो। फैगो 31 जानुवारीनि उनाव बैयावबो एबा हायेन ओन्सोलफोराव अखा हानायनि आसा दड। गोदान सोनाबारि नारसिनथाइ जाहोनाव सोनाब हिमालय ओन्सोलनि बोथोराव गोहोम नुनो हागौ। बेनि गेजेरजो 31 जानुवारीनि गेजेराव जम्मु-काश्मीर आरो लाहाइआव गुबुन गुबुन जायगाफोराव गोबां अखा हागोन आरो बरफ गोभलैगोननि आसा दड।

## कालापानी आरो सुस्तानि उफ्रा भारतजो लोगोसे जेबो सिमना जेना गैया: नेपालनि गुबुन हादरयारि मन्थि

काठमान्डु, 28 जानुवारी: नेपाल आरो भारतनि सिमना जेनाखौ मोनसे गिदिर राजखान्थि आयदा खालामनायनि जायगायाव बेखौ सावरायनायनि गेजेरजो जेनाखौ बोसोनो हागौ। बेनि जाहोना बेबोदि, दरनै हादरफोरा हारिमुआव लोगोसेयै खाजानानै दड। बे बाथ्राखौ नेपालनि गुबुन हादरयारि मन्थि एनपि साउदआ बुंदो। बियो भारतनि सुबुंखाथि साननि समाव नेपाल-भारत मैत्रि ससाइटीनि गेजेरजो खुंनय मोनसे हाबाफारिआव गाहाइ आलासि महैर बुंदोमोन। साउदआ बुंदोदि, नेपाल आरो भारतनि

गेजेराव 1800 कि:मि:निफ्राय गोलावसिन सिमना। बेनिखायनो दरनै न'सुंसे हादरफोरनि गेजेराव सिमनाजो सोमोन्दो गोनां माखासे जेना गोनां आरो दान्थे-बिदान्थेनि आयदा। सुस्ता आरो कालापानी-लिपुलेखनिनो मोननै सिमना बिन्दो, जायखौ बोसोनानयनि गोनांथि दड। बिथाडा बुंदो, दरनै हादरफोरा लोगोसेयै जिरायनानै सावरायनायनि गेजेरजो जेनाखौ बोसोनो हागोन। नेपालआ भारतनि थाखाय मोनसे मख'जाथाव हादर। मानोना बेयो दरबा भारतयारि राइज्योफोर सिक्किम,



सोनाब बंग, बिहार, उत्तर प्रदेश आरो उत्तरखान्डजो लोगोसे 1850 कि:मि:निफ्राय बांसिननि सिमनाखौ शेयार खालामो। मिथिनो मोन्नाय बादिल्ला, काठमान्डुनि गेजेरजो 2020 आव मोनसे गोदान राजखान्थियारि मानसावगारि फोसावनायनि उनाव दरनै हादरफोरनि गेजेराव सोमोन्दोआव जेना सोमजिदोमोन। बे मानसावगारिआव मोनथाम भारतयारि ओन्सोलफोर लिम्पियाधुरा, कालापानी आरो लिपुलेखखौ नेपालनि बाहागो महैर दिथ्यदोमोन।



# भारतनि दरसे गामियाव गोदान मुगानि बायदि सेंग्रा सिखलाफोर जर'खा सोमोन्दोआव थायो

जौनि समाजआव सिखलाफोरा जुलिनि सिगांनो गथ'नि बिमा-बिफा जानायखौ समाज बेरेखा एबा मोजां होन्ना गनायनाय जाया आरो सुबुंफोरा बिखौ मोजां नोजोरजौं नोजोर होया। नाथाय जौनि भारतआव ओरैबायदि जायगा दड़, जेराव सिखलाफोरखौ गथ'नि बिमा जानायनि उनावसो जुलि खलामनाय जायो। सोमोनाथाव बाश्चादि, जाय भारत हादतआव गोदोनिफ्रायनो आबुधि गोनां समाज, हारिमु सोलिबोदो, बेयाव बेबायदि समाज थानाया फोथायनो गोब्राव। नाथाय बेयो सैथो। जौनि भापतआव मोनसे ओरैबायदि ट्राइबेल हारि दड़, जायफोरखौ राजस्तान आरो गुजरातनि माखासे बाहागोफोरनि थागिबि होन्ना सिनायथिनाय जायो। बे हारियानो जादो 'गरसिया'।



बे हारिनि लाइमोन सेंग्रा-सिखलाया गाव गाव मोजां मोन्नाय सिखलाफोरजौं आथोनारि सोमोन्दो लानानै थायो एबा लिभ-इन रिसेसनशिभआव थायो। बे बायदि थानानै जुदि सिखलाया गोबोआव गथ' थायाब्ला सेंग्रा-सिखलाया

गावसालायो आरो गुबुनजौं फिन सोमोन्दो लाखिनानै लिभ-इनआव थानानै गथ' जौनोम होनो नाजायो। राजस्ताननि उदयपुर, सिरही आरो पाली जिल्लायाव गरसिया जनजातिफोरा थायो। बिसोरनि बे आलादा आसार-खान्तिखौ आथिखालनि गोदान मुगानि

समाजआव लिभ-इन रिसेसनशिभ थानायजौं गोरोबो। आथिखालाव सेंग्रा-सिखलाफोरा गावजौं गाव गोसो गोरोबज्जलायनानै लिभ-इनआव थायो। बेनि उनाव उन्दै जौनोम जानायनि उनावसो जुलि लायो आरो खायसेया जुलि लायाजासेनो गावसालायो।

## नौनि थाखायनो

आसा नौनि थाखायनो गोजोन गैला आंहा। नौं मानो आंखौ मिथिया नौं मानो आंजौं एरा-एरा। नौनि बेबायदि आखलावनो जाबाय आं बोदोर बावलि। राइज्जलायनो सानो आं नौजौं आंनि गोसोनि बाश्चाखौ। नाथाय नौदि आंनो गुमुरखौनो होआ। आं सानो आंनि अन्नायखौ नौंनो होनो। नाथाय नौदि गुमुर होआ। नौनि थाखायनो जाबाय आं उसु-खुथु उसाव-बादाव नाथाय नौं मानो आंखौ मिथिया? नौनि बेबायदि आखलावनो जाबाय आं दिने फागला नौं मानो बुजिया नौं मानो मिथिया? जाबाय आं नौनि थाखायनो खाराव-माराव। जानो लौंनो खहाबला नौनि थाखायनो। उन्दुनो ओंखारला नौंखौ सानै-सानै सान हर। आसाया मानो दुखु नांथाव आखल दिन्थियो आं नौनि गोबोनि अन्नायखौ अरायबो मोन्नो लुबैयो। आंनो आंनि अन्नायखौ सिरि सिरि बोनो होदोमोन आसा नाथाय नौं आंनो गुमुर होआ। गोसो खांसै अराय नौंखौल' हास्थायसै अराय नौंखौल' नौनि थाखायनो जासै आं एखनबा गोसो खाना मोदैनि बाना।

श्री दिदोम नार्जारी गामि:- सारागुरी

## आंगो बिमा

जौनोम होबाय नौं जौंखौ बे भुमाव; फैलाव मिथियागानि गोजोन बिखायाव; फोरोंबाय नौं गोदै बिमा राव जौनि खुगायाव; फेदरबोबाय-फोलावबोबाय गोबां सान-हर आखाइ आरो बिखुडव लानानै, गोबां सान हाद्रिजौं गेलेनायनिफ्राय गोजानाव लाखिनानै, गियान बुद्धि होबाय मिथियेखौ मिथिहोयो, हारि-माहारि, धोराम मुगैयाजासे गावजौंगाव अनज्जलायनो, बे भुमाव आलो गोजोन थाना थानो- बावनो हाया नौनि दुखु-खस्थ सहायनाय, फिसाफोरखौ फोथांनयनि थाखाय गावखौनो गाव हाबा- हुखायाव बावसोमनाय, नौनि अन्नाय बिलरनाय गोदे राव बोसोनखौ, नौनि अनसुली थार महर मुश्रीखौ, गोसोखाडे सोलेरनि गोबों इंसिडव गासै आखुयै। नौनि गियान-बोसोनानो जौनि गोहो सोलेरनि नडमोनब्ला जागोमोन जैरैबो राहा मोनै खाना नुयोब्लाबो जौनि थाइने मेगना। आइयै बिमा। नौनि बे मा एसेबां गोमोथाव बिहोमा! होबाय नौं जौनो गोजोन-सांथियै थाना थानो जैरैबो सोरां लामा। दड़ दासिमबो नौनि बे अनसुली थार महर मुश्रीया, नौनि बे गोदै राव गोहो आरो गियान बोसोना, सोलेरनि गोबों इंसिडव मेलेमजौं सिथाबनानै- सोलेरनि गोबों इंसिडव मेलेमजौं नांथावनानै।

मुश्री मृथुनजय दैमारी गामि- सा दांगारखुटी, ला:सो:- द'तमा जिल्ला- ककराझार बि टि सि आसाम।

## गोजा गलाब बिबार

फालगुन दाननि जावलिआ बाराव। सानस'नो हायै लाइमोन बैसोआव गुवार गोसोनि अन्नाय लानानै मोजां मोन्दोमोन रजे आं नौंखौ जेब्ला। अब्ला, नौं आंनि बायराव देरानि लांगोनयाव बारदोमोन सानैसोनि गोजा गलाब बिबार। दिने बै गोजा गलाब बिबारा बहा ?... ? नाथाय , नौदि बै सिखिफोरनि गेजेरावसो बारहेनानै दं। आंनि बेसेबा गोजानावसो. .... । नौं, मोदोम जायखैथ', सिखिफोरजौं बिदे सोबजानो। बिबिदिनो, र'जे नौंखौ आ हास्थायदोमोन मोकथांआव। नाथाय नौदि बावगारलांबाय अब्लाबो आं नौंखौ गोबोंजौं मोजां मोन्दोमोन... जाफुं होनो थाखै..... नाथाय सानाखैमोन नौं र'जे आंनि अन्नायकौ सैथो गोथार होन्ना। जाउनाव जानांबाय आं दिने लोगो गोमाजानाय दाउसा माउरिया बिदिब्ला र'जे बुं बै समनि अन्नाया बेसेन गैयामोन नामा। जानो हागौं आंदि गोरोस्थि खालामबाय बिन थाखाय नौं आंखौ नेवसिगारनो हागौं। नाथाय, नौंबो इसेबां गिदिर समाय लानायखौ गियाखैसै। ना नौं समायखौ फिसा होन्नासैनबाय नामा। ना फालगुन दाननि थिं थिं सान्दुं दुंनयाव रानजिलानो हमबाय नामा बै गोजा गुलाब बिबारा।

बेनिजन बरगंथारी। जिल्ला- बडाइगाव, बि.टि.सि, आसाम

## मोदैनि बाना

आंनि मेगनि मोदैखौ सोर हुगारनो, गैयामोन आंनि थाखाय गोसोआव रावनिबो अन्नाय आरो गोसो गोरोबोजौं मोजां मोन्नाय सान्दोमोन आंलाइ बुहुमाव उजिनानै मानसिनि अन्नायखौ मानसियानो मोनगोन होन्नानै नाथाय माथो मानसिनि अन्नायखौ मानसिया मोनालासै गुबुन मासे सैमा बांग्रायासो मोनबाय। आं जेब्ला थाखो डाइनआव फरायदोमोन अब्ला आं सासे समायना महरगोसा सिखलाखौ मोजां मोन्दोमोन। अब्ला आं सिगां खेब अन्नायखौ बिनाव बिदोमोन नाथाय, बियो आंनो अन्नायखौ होदोमोनबो, आं जेब्ला गोरोबो बिखानिफ्राय अन्नायखौ गोरोमै होदोमोन अब्ला बियो बुंदोमोन आंहा गुबुन सासे दंखायो होन्नानै अब्ला बियो बुंनय लोगो आंनि अनगायै गुबुन सासे सेंग्राजौं मोजां मोनलाइदोमोन। नाथाय बिन साननायाव आंनि गोरोबोया थेर बेथेर गावसाला लोडे बारजौं उरां फारां साननायजौं बोदोर बावलि अब्लानिफ्राय आंनि साननाय फामोला जायो।

श्री राइदाव कुमार बर गामि:- लावखिगुरी

# रंजालि गथ'फोरनि सौरा

## गोरोबनै खनथाइ

जायनियाव थायो हारोंथाइ बिनो रेबनो हायो खनथाइ

सुबुं जिउवाव जिंगोर जिंगोर बिलरि फैयो दाहा दिखार

सुबुं जिउवाव दाहा दिखार बिलरि फैनाय मोना गुमुर

बांग्रि खबा सुबुं जिउवाव थाखा थारो हरदम समाव

बांग्रि खबा गैया होनना नौनि जिउवाव बिखा बुना

हरदम समाव हाया बुंनो मालाबा फैयो हरखाबनो

-रैदोम बर', माजदिया, बगुलामारि, बाक्स

## बाजै सना

गोसोखाडे आं....दासिमबो बै....गावगोनो समरखौ। मेगनाव सानफ्रोमबो मोदै.... खाफालाव सानफ्रोमबो आखाइ... बेसेदि दुखु आय'। गन्थ मोखां.... जोबोद नायनो समायना आंनि बाजैया। सना गाबनि दखना गानानै गोथां गाबनि रिगि-रिगां आगरनि फासा लानानै ओंखारबोयोमोन नौं आखायाव गयनि बाथा लानानै, बेसे समायना नुयोमोन आय'। आखायाव आसाननि-मुथि खोमायाव चन्द्रहाला गन्थआव नाखाफुल खानाय सिंखावलानाय गोजा सिन्दुनि आलिया बेसे समायहोयोमोन आय'। नाथाइ नौं.... दासिमबो मानो फैया? बबे राइज्योआव थांखो नौं आंनि जिउनि बाजै सना... ॥ गाबगासिनो दं आं नौंखौनो गोसोखांना।

खारुप संकर बर बरमा( बागसा )

## हावरिया मिजिनि गुथाल

गोथार जिउनि गोरबो इंसिनि दैमायाव लोरगि गैयै डिडज जावदोमोन हावरिया मिजिजौं। आखाइ दोन्थ'ब्ला आंथि आंथि दोन्थ'ब्ला आखाइ बेबा बेखौ दोन्थ'ना हास्थिदोमोन जिउ मिजि मिजिइदि हावरिया गोथार जिउ लामायाव दिप नुहरे डिडजा थाद'योब्ला दोमोनो लैथो सिगाडाव गुथालनि सायखंखौनो गिगोन सायखंनि बारजौंनो बुसोम जागोन मानोना मिजिइदि हावरिया। मिजिइव गैया देहरनाय दड़ अराय जेन्नाय बियोदि गुथाल हावरिया मिजिनि।

सिनायसाथ बर' गामि: थाइगिरगुरी ला:सो: गंडिया जिल्ला: ककराझार

## जाबाय आं दुथामि

आंनि जिउनि हाहाहोगिरि अनजालु आन्जालि, बिफा बिमाफोर गावसोरनि गोसो गोबोआव हाजासे, गोथार मिजिं लानानै दोनहरदोमोन, दिने आंखौ टाउन-सहराव , स्कुल, कलेज फरायनो। बुरलु बुला खालामनानै गावसोरनि बिखानि थैखौ दै खालामनानै, हरदोमोन रोजा रोजा रानं गाबनि फिसानि नांगौं बादियै। नाथाय दिने मोनथिया हासिया, सहरनि गुदुं बारजौं बारफानानै गाबनि सानाय हनायखौ सोलायबाय, बिफा-बिमानि सान-इजोदखौ बावगारबाय। लिरनाय-फरायनायआबो जाबाय लैथोननि दै दाहारआव गोजावनाय खोमस्लिफानफोरा बायदि थांखि गैयै। सानफ्रोमबो सहरनि ग'लायावल', जौ, सिगारेट आरो थांखु सोबे -सोबे समरखौ आं बारहोदोमोन। गाबनि जौमोननि हाबिलासखौ सानहरनो सम आरो बोथोरआबो गैला आंहा, खालिबोल' नांगौं -नांगौं-नांगौं जौ, जुवा आरो सिगारेट। गिनय, लाजिनायआबो गोमा जोबबाय, लामा सामा सिखला सासेबो बारग'लिया.... हाय! आं मादि मावफोनांखो.... थारैनो जाबाय आंनो सासे दुथामि।

मुसि प्रफुल्ल नार्जारी। कक'राझार कलेज। ला:सो:- दतमा।

## हुगारनो फै बिमानि मोदै

गुबुन हारि हारिमाया दिने बर हारिनि धोराम दाड बाजियाव मिनि खोमादों खुगा मुथु-मुथु। धोराम दावहायाव बारसोमदों हनै सुथुरजौं नाड लासिनो, बिदा-फंबाव दानलाइ-सुलाइ अनजिला गोथे मुख्लं। बर' बिमाया फिसाजोनि अलखदिनि समाव गाबनाय दुखार मोदैया दिने, दैबाना जानानै बोहैलादों बुहुमनां। मिथिगाया बरनि आखुखौ नुनानै मि-म्राय माखौबा हांमा सुरदो, सिगुन, सिला, दावखाफ्रा हनै गा-गा,गि-गि गाबनानै बर' गामियाव बिरबोदो फालो-फालो थुरि बारिनि सियाला गावदो सान जुफुं थिर थिर, हुवा-हुवा बेसे दुखु नांथाव जौं बाथो धोरामनि गेजेरजौं बर' हारिनि सिनसिखौ गोग्गो गेरैमसा खालामनानै मुलुगाव आगान दोनलानि फै। सिजौं आफाया माखौबा नाय हावदो गोमोनानै सायर ओजौं बर' बिमाया हायाव गोलै सोनानै बुंदो गिलि गाराडै फिसाफोर नौंसोर खोमा हो धोरामा हारिनि सिनसि सिनसि गैयाब्ला मानसिया गसं हाया धोराम गैयाब्ला बुहुमाव हारिया गसंथा हाया फिसाफोर खौसेयै लैहोर लैहोर फै

मुश्री दानसोरां बसुमतारी

## बड'फानि गोथार जौनोम सान

जौनोम मोन्दोमोन नौं, अनसुलि बर' बिमानि गोबोयाव। गुबुनजौं नाखेबजानाय बर' हारियाव, नाथाय नौं फावसायना थायाखैमोन। नाजादोमोन नौं बर' हारिखौ, बुहुमाव गेरैमसा हारि दानानै जौगांखोहोनो। सुफुंदोमोन एसेब्लाबो हारिनि गानाय-उखैनय, बर' हारिनि सिनायथि रैखाथि आरो थामोन्थानि थाखाय गाबनि थोजासे गोहो बोलो लाना जुजिदोमोन, गुबुनजौं गादबजानाय, सोबख'जानाय नासयजानायनिफ्राय। नाथाय नौं दिने जौनिफ्राय आनज्रायलांबाय, बर' फिसाफोरखौ नागारना। गाबनि हारिनि थाखाय मुख्लं जालांबाय, दिने नौनि गोथार जौनोम सानाव, गैया आखायाव नौंखौ फुजिनो। खालि नौनि आंथिआव आं, बारनैसो बिबार होनानै नौं बड'फानो आंनि खुलुमनायखौ बाउनाय जाबाय।

थरायना पृथिवि ब्रह्म गामि- गाम्बारीबिल







## रणबिर कापुरआ आरोबाव खनसे फेन्सफोरजो गोवां बाख्याय जादो

रणबिर कापुरआ बलिउडनि बै स्टरफोरनि गेजेराव थाफायो, जायनि सायाव लाख लाख फेन्सफोरा जावलिआ जायो। 'एनिमेल' बायदि सावथुननि उनाव बिन फेन फलईआव आरोबाव बादो। रणबिरआ थांनाय गोबाव समनिक्राय मावेबा नडा मावेबा थांनाय लाइमलाइटआव थायो। आथिखालाव बियो आरोबाव खनसे ओरैबायदि खामानि मावदो, जायनि जाहोनाव सुबुंफोरा बिन सायाव गोबां इम्प्रेस जादो। सशोल मिडियाआव रणबिर कापुरनि मोनसे भिडिअया गोखैये भाइरल जादो। बे भिडिअयाव



फावखुंगुरखौ पेपाराजिनो सावगारिफोर सेबखानायनि खाबु होनाय नुनो मोन्दो। नाथाय आरोबाव खनसे ओरैबायदि जायो, जाय लाइमलाइटआव

फेयो। मख'नो गोनांदि, रणबिरआ बवेहायबा थांदोमोन। बे समावनो बियो गावनि गारिनिक्राय ओंखारनानै पेपाराजिनो पज होयो। बे समावनो सासे गार्डखौ फ्रेमआव फेनाय नुनानै पेपाराजिया बिन

सायाव हसिनो जागायो आरो बियो जानगार जानो थाखाय बुडो बेखौ खोनानानै रणबिरआ बै गार्डखौ गावनि खाथियाव लिंहरो आरो बिजो लोगोसे गसंनानै पेपाराजिनो पज होयो। बेनि उनाव सिक्किउरिटि गार्डनि

महरावबो मिनिनाय नुनो मोनो। बे समाव रणबिरखौ बल हवाइट आउटफेटआव नुनो मोनो। बे भिडिअखौ नुनायनि उनाव रणबिरनि फेन्स आरो बिन लोगोफोरखौ सशोल मिडियाआव गोबां बाख्यायनाय नुनो मोन्दो। सासे इउजारआ कमेन्ट खालामनानै लिरदो, रणबिरया गोबां कडेट। गुबुन सासेया लिरदो आदैया गोबां खाफाल गोनं। रणबिर कापुरनि वार्कफ्रेन्टनि बाथ्राखौ बुडोबला फावखुंगुरआ बे समाव नितेश तिवारिनि सावथुन रमायणखौ लानानै खौरडाव थाबाय थादो। फोरमायनाय बायदिबला बियो बे सावथुनआव भगवान रामनि फाव खालामनो हागो।

## माहाम देहानि राहा

### गीन टिआ सावस्त्रिनि थाखाय मुलाम्फा गोनां जायो



लिरथायखौ बाडइ खालामनो थाखाय मानसिफोरा जिम, ब्याम, थाबायनाय आरो आदरनि सायाव नोजोर होयो। लिरथायखौ बाडइ खालामनो थाखाय गोबां गोहोम गोनां लोंग्राफोरबो द, जाय लिरथायखौ गोखैये बाडइ खालामो। बेबादि मोनसे गोहोम गोनां लोंनाया जाबाय ग्रीन टि, जाय लिरथायखौ गोखैये बाडइ खालामो। सानफ्रोमबो ग्रीन टि लोंनाया होबथानो हानाय गोहोखौ गोखों खालामो। ग्रीन टि लोंनाया मेटाबोलिजमखौ गोखों

खालामो, जाय मेजेमखौ बाडइ खालामो। जुदि नोंथाड ग्रीन टीखौ बांसिन गोहोम गोनां खालामनो लुबैयो, अब्ला बेयाव थानाय बे मोन 2 मुवाफोरखौ लों-

1. ग्रीन टिजो गलायनाय दालसिनि: मस्ताफोराव बाहायनाय दालसिनियो लिरथाय खमायनायाव गोहोम गोनां। ग्रीन टिजो गलायनाय दालसिनि लोंबला लिरथाइया गोखैये खम जायो। बेबादिनो नोंथाड मिथिंगायारि महैरे लिरथायखौ बाडइ खालामनो हायो। दालसिनिखौ सावस्त्रिनि थाखाय

1. ग्रीन टिजो गलायनाय दालसिनि: मस्ताफोराव बाहायनाय दालसिनियो लिरथाय खमायनायाव गोहोम गोनां। ग्रीन टिजो गलायनाय दालसिनि लोंबला लिरथाइया गोखैये खम जायो। बेबादिनो नोंथाड मिथिंगायारि महैरे लिरथायखौ बाडइ खालामनो हायो। दालसिनिखौ सावस्त्रिनि थाखाय

### गम जबनि दैआ डाइबेटिसनि बेरामिफोरनि थाखाय मुलाम्फा गोनां जायो


हादतआव डाइबेटिसनि बेरामिफोरनि जुजिनया गुबुन हादतफोरनि रुजुनायाव बयनिखुइ बांसिन दड। हादतआव बेनि अन्जिमाया लासै बांलानो हमदो। डाइबेटिसआ मोनसे ओरैबायदि बेराम, जायखौ रोखा फाहामथाय होनो हाया। नोंथाड गावनि जानाय-लोंनाय आरो लाइफ स्टाइलआव सोलायनानै बेखौ कन्ट्रआव लाखिनो हायो। बेनि अनगायै सानफ्रोमबो वार्क-आउट खालामनायावो डाइबेटिसनि बेरामिफोरनि थाखाय गोनांथाय जायो। डाइबेटिसखौ कन्ट्रल खालामनो थाखाय नोंथाडा गावनि ब्लाड सुगारनि लेभेलखौ कन्ट्रलआव लाखिनो गोनांथाय। जायनि थाखाय नोंथाडा गम जबनि दैखो बाहायनो हायो। जबनि दैखो डाइबेटिसखौ कन्ट्रल



खालामनो थाखाय मुलाम्फा गोनां मानिनाय जायो। 1. जबआव गोबां बिबांनि फाइबारखौ मोन्नाय जायो। जायजो ब्लाड सुगारनि लेभेलखौ कन्ट्रलआव लाखिनो हायो। 2. जबनि दैआव एसेल'ग्लाइसेमिक इन्डेक्सखौ नुनो मोन्नाय जायो। जायजो ब्लाड सुगारआ बाड। 3. जबनि दैआव फाइबारखौ मोन्नाय जायो। जाय देहानि लिरथायखौ कन्ट्रलआव लाखियो। डाइबेटिसनि बेरामिफोरनि थाखाय देहानि

जोबोद मुलाम्फा गोनां होनना मानिनाय जायो। 2. ग्रीन टिजो गलायनाय हाल्लै: जानो हागो बेयो नोंथानि थाखाय गोमोथाव नाथाय जुदि नोंथाड ग्रीन टिखौ बांसिन गोहोम गोनां खालामनो लुबैयो अब्ला बेजो लोगोसे हाल्लै गलायनानै लों। बेयो गोखै लिरथाय खमायहोयो। हाल्लैआव एन्टी-बायटिक आरो एन्टी-इनफलेमेटरी गुणफोर द, जाय बुनाय आरो लिरथाइखौ बाडइ खालामो। ग्रिन टि बानायनो थाखाय नोंथाड गाहायाव होनाय ने म-खांथफोरखौ मानिनांगोन गिबियाव 1 गिलास दै ला आरो बेयाव ग्रिन टि हो। दैयाव 1 थुखा दालसिनि आरो थुखासे हाल्लै होफादेर। बे मोनथाम मुवाखौ फुदुनानै लों। नोंथाड बेयाव गुर एबा बेरे मोदैबो लाफादेरनो हायो।

## अनिल कापुरआ गावनि गोसोनि बाथ्रा फोरमायदो



साफ्रोमबो स्टरआ फावगिरि जाया, नाथाय गासै फावगिरिफोर गावनि फाव दिन्थिनयनि स्टर जानो हायो। बे बाथ्रायाव एनिमेल सावथुननि फावखुंगुर अनिल कापुरआ फोथायो। अनिलनिनाय स्टर आरो फावगिरिनि गेजेरनि फारगथिखौ माबोरै नोजोर होयो होन्ना सौनाय जादोमोन। मानोना स्टर आरो फावगिरि मोननैबो सोदोबखौ बिजो सरजाबनाय जायो। बेनि सायाव अनिलआ बुदो, जेब्ला गाव खामानि मावनो जागायदो, अब्ला गावनो खामानिल' नांगो जायोमोन। फिसा-फिसा फावजो केरियाखौ जागायदोमोन। मुम्बाइआव खामानि मोनेयाव तेलगु आरो कन्ट्रनि सावथुनफोयव फाव खालामोमोन। उनाव हिन्दीआव खामानि मोन्दोमोन। गाव माब्लाबाबो गावखौ स्टर जागोन होन्ना सानाखैमोन आरो बै समाव खामानिल' नांगो जादोमोन। बियो बुंबावदोदि, उनाव सावथुनफोयव फाव मोन्तो जागायदोब्ला मोजां सलखोबो मोन्तो हादो, मोजां बिथोनगिरि आरो लेडाइ फावगिरिफोरजो लोगोसे फाव खालामनो खाबु मोना। गावखौ सुबुंफोरा फावनि मुंफोर जैरे मुन्ना, लखन बायदि मुंजो गाबजियोमोन। गाव साफ्रोमखौबो माब्ला अनिल मुंजो गाबजियोमोन होन्ना सानोमोन। गाव फावखुंगुर' जानो हास्थायदोमोन, नाथाय गोरोन्थियै स्टरबो जायो। बेयो गावनि फाव दिन्थिनयनि जाहोनाव जादो। बेवहाय लिरगिरि, बिथोनगिरिफोर आरो फावगिरिफोरनि खामानि मावनायनि बिहोमा दड।

## बिपासा बासुआ सावथुन फाइटरआव फिसाइ करन सिं ग्रभारनि फाव खालामनायखौ बाख्यायदो

सिद्धार्थ आनन्दनि बिथोन होनायाव बानायनाय सावथुन फाइटरआव बृहस्पति बारखालि सिनेमाहलफोराव रिलिज जाबाय। हादत सिबिनायजो बुंफबनाय सावथुनआव ऋतिक रशन आरो दिपिका पादुकनजो लोगोसे करन सिं ग्रभारआबो गाहाइ फाव खालामदो। फाइटरआव करन सिं ग्रभारआ सक्वा डून लिडारनि फाव खालामदो। करन, दिपिका आरो ऋतिकनि अनगायै अनिल कापुर आरो अक्षय अबेरयआबो गाहाइ फाव खालामदो। सावथुनआ रिलिज जानायनि उनाव नायगिरिफोर आरो क्रिटिक्सनि फार्सनिफ्राय सल', कास्ट आरो एक्सनखौ लानानै मोजां फिनजाथाय मोन्दो। बावैसो समाव करननि बिसि आरो फावखुंगुरि बिपासा बासुआ सावथुननि रिभिउखौ होदो। बिपासा बासुआ फिसाइ करननि सावथुन फाइटरखौ नायदो। धुम-2 नि फावखुंगुरिआ सावथुननि रिभिउखौ इन्सटाग्रामआव शेयार



खालामदो। बियो गावनि फिसाइ करनखौ बाख्यायदो। फावखुंगुरिआ सावथुननिक्राय मोनसे सिनखौ शेयार खालामनानै लिरदो- टाज (करन)आ आरोबाव खनसे आनि गोसोखौ देरहादो। फाइटरखौ आरोबाव खनसे नायबाउगोन। बेजो लोगोसे फावखुंगुरिआ गोबां हार्ट इमजि शेयार खालामदो। 2019 नि 14 फेब्रुवारिखालि पुलवामायाव भारतीय सान्निफोरनि सायाव एटक खालामदोमोन। जेरव सा 40 सान्निफोर मुंखल जादोमोन। बे एटकनि उनाव भारतीय अखांमा सान्निहान्जानि फार्सनिफ्राय बालाकटआव एयार स्टाइक खालामनाय जादोमोन। सावथुन फाइटरआ बे

सल'खौनो दिन्थिदो। सावथुनआव बेखौबो दिन्थिनय जादोदि, बालाकटआव एयार स्टाइकनि समाव माबोरै टाज (करन) आरो बसिर (अक्षय)आ पाकिस्तानआव उदखारिफोरनि बे'खनथायाव थाबथानानै थायो। 25 जानुवारीखालि सिनेमाहलफोराव रिलिज जानाय ऋतिक रशननि एक्सन ट्रेलार फाइटरनि अपेनिआ जरखा जायखैमोन। फाइटरआ गुबुन ब्लक बास्टार सावथुनफोरनि रुजुनायाव 22 कौटि रंजो'ल' अपेनि खालामनो हादोमोन। 2थि सानखालि ऋतिकनि सावथुनआ गोबां मुलाम्फा मोन्दो। सावथुनआ 2थि सानाव 40 कौटि रं आरजिदो।

## मुंदांखा टिभि स्व' बिग बस-17 नि ग्रेन्ड फिनालेआ जासिगोन

कन्ट्रभासिजो बुंफबनाय स्व' बिग बस-17 नि ग्रेन्ड फिनालेआ थाबैनो जागायसिगोन। जाय समाव नायगिरिफोरा नेनानै दड बेयो माखासे समनि गेजेरावनो जागायसिगोन। फेन्सफोर गाव-गावनि मोजां मोन्नाय बादायारिफोरखौ देरहाहोनो थाखाय गोबां भट खालामदो। बेजो लोगोसेनो स्टरफोरखौबो गाव-गावनि मोजां मोन्नाय बादायारिनि फार्से भट होनो आर'ज गाबनाय नुनो मोन्दो। बिग बस-17 नि भटि ट्रेन्डखौ लानानै लास्त्रियै आपडेट होनाय जादो। माब्लाबा आनकिता माब्लाबा अभिषेकनि गेजेराव गोबां दान्थे-बिदान्थे जानायखौ नुनो मोन्दो। बेबायदिद्याव फेन्सफोरनि गेजेरावबो बे



खेबआव ट्रिफखौ सोर मोनगोन बेखौ लानानै गोनो-गोथो जादो। आथिखालाव फेनाय खौरनि बायदिब्ला, भटफोराव गोबां गिदिर सोलायनायखौ नुनो मोन्दो। मुनाव्वर फारुकनि आखायनिक्राय ट्रिफखौ जानगार जानाय नुनो मोन्दो। मख'नो गोनांदि, भटि लाइनआ

रबिबारखालि सान्जौफुनि 12 रिंगासिमल' अपेन जादो। सोरडाव फेनाय खौरडाव बिग बसनि मोनसे फेन पेजनि फार्सेनिक्राय फोरमायनाय जादोदि, अरुन माचेट्टिआ 5थि पजिसनआव दड। फार्सेथि मनार चप्राया 4थि पजिसनआव दड। बेनि ओंथिया बेदि, अभिषेक,

आनकिता आरो मुनाव्वरनि गेजेराव टप-3 नि जुजिलायनाया सोलिदो। अभिषेकआ बयनिखुइ बांसिन भट मोनो हादो। नैथि पजिसनआव मुनाव्वर आरो थामथि पजिसनआव आनकिताया दड। मख'नो गोनांदि, दिने मोनायाव देरहागिरिनि मुंखौ फोसावनाय जागोन।

## हलिउडनि फावखुंगुर-दैखोगिरि निक जनासखौ भारतआव बरायदो

ग्लबेल स्टर प्रियांका चप्रा नि फिसाइ निक जनासआ बे समाव भारतआव दड। शनिवारखालि बियो मुम्बाइआव सौफेदो। बिखौ नुनाय लोगो-लोगो फेन्सफोरा सेल्फि लानो होंगो-दोंगो जादो। निकआ गावनि बिदाजो भारतआव फेदो। बिन भारतआव फेनाया बेयो गिबि खेब नड। नाथाय बियो गिबि खेब भारतआव पारफर्म खालामदो। मुम्बाइआव लला पालुजा कन्सर्ट खुनाय जादो। जेरव निकआ पारफर्म खालामदोमोन। बेवहाय देंखोगिरिआ गोबां गोलाव सम थांहोदो। बिजो लोगोसे बिदाफोर- केभिन आरो ज'आबो पारफर्मन्स खालामदो।



मिउजिक भिडिअनि माखासेआ ससेल मिडियाआव भाइरल जादो। जेरव निकनि मोनसे भिडिअआ गोबां गोसारदो। भिडिअआव नुनो मोन्दोदि, निकआ मुंदांखा देंखोगिरि किजो लोगोसे तु मान मेरि जान

देंखोखौ रोजाबदो। जौसाइव बिसोर सानैनि दोहोंगोनं पारफर्मन्स होनायखौ नुनो मोन्दो। फार्सेथि गुबुन हादतनि देंखोगिरि निकनि गारांआव बलिउडनि देंखो खोनानानै फेन्सफोरबो एक्साइटेड जादो।

लला पालुजाआव निक जनासनि पारफर्मन्स होनायनि बे भिडिअआ ससेल मिडियाआव गोसारदो। प्रियांकानि फिसाइ निकखौ कन्सर्टआव गोबां मोजाइ बरायनाय जादोमोन। सुबुंफोरा बे मिउजिके ल नाइटखौ इन्जय खालामनायनि अनगायै गुमै होन्ना हादतआव बरायदो। बेजो लोगोसे निकआबो फेन्सफोरखौ आइ लाभ इउ होन्ना बुदो। ससेल मिडियाआव निकनि कन्सर्ट आरो फेन्सफोरनि बिन सायाव जावलिआ जानाय भिडिअआ गोबां गोसारदो।

## फिल्म फेयार एवार्डआव गोबां सावथुनआ जाफुंनो हादो

69थि फिल्मफेयार एवार्ड 2024 नि जागायजेनाया 27 जानुवारीखालि दोहो गोनाडे जादो। थांनाय सान एबा शनिवारखालि बे स्व'खौ फावखुंगुर अपारशक्ति खुरना आरो करिश्मा तन्नाया हस्ट

खालामदोमोन। गोलाव समनिक्राय खौरडाव थाबाय थानाय फिल्मफेयार एवार्डआव सिनेमेट'ग्राफिन स्क्रिनफले कस्टिउम्सआ आरो इडिटिजो लोगोसे टेक्निकेल केटेगरिनि उइनासनि फारिलाइआ सोराडाव

फेदो। टेक्निकेल केटेगरियाव भिक्की कौशलनि सावथुन 'सेम बाहादुर'आ गं 3 एवार्डखौ देरहासारदो, फारसेथि शाहरुख खाननि जवानआ गाहाइ थाखोयाव एवार्ड देरहासारदो। बे खेबआव 69 थि फिल्मफेयार



एवार्डआव शाहरुख खान, रणबिर कापुर आरो भिक्की कौशलनि सावथुनफोरनि दोहो गोनां थासासिखौ नुनो मोन्दो। भिक्कीनि सेम बाहादुरआ गं 3 टेक्निकेल केटेगरियाव देरहासारदो, जेरव साबसिन

साउन्ड डिजाइन, साबसिन कस्टिउम डिजाइन आरो साबसिन प्रडाक्शन डिजाइनआ दंफायो। बेनि अनगायै शाहरुखनि जवानआ साबसिन स्पेशेल इफेक्ट्स भिजुएल आरो बेस्ट एक्शननि एवार्ड मोन्दो।



# एलन मास्कआ आथिखालाव मुलुगनि बयनिखुइ धोनिसिन सुबुं नलिया

**गोदान दिल्ली, 28 जानुवारी:** टेस्ला, स्पेसएक्स आर सशेल मिडिया प्लेटफर्म एक्सनि बिगोमा एलन मास्कआ गोलाव समनिक्रायनो मुलुगनि बयनिखुइ धोनिसिन सुबुं जादोमोन। नाथाय आथिखालाव मुलुगनि आर'बपतिफोरनि बे फारिलाइयाव सोलायदों। टेस्लानि शोयाराव दावखलायनायजों मास्कनि नेटवार्डआ दावखलायदों। आथिखालाव मुलुगनि बयनिखुइ धोनिसिन सुबुंनि बिमुइ बै सुबुंनयाव थांबाय, जाय बे फारिलाइयाव गोबां समनिक्राय नैथि थाखोयाव थादोंमोन। नोंथांमोनहा लुइ वितननि मुंखोथ' खोनाबाय जानांगौ। बियो वर्ल्ड फेमास फ्रेंस लाग्जारी फेशन कम्पानी



एलभिएमएच गुपनि। बे एलभिएमएच गुपनि फाउन्डर चेरामोन आर सिइअ बर्नाइ अरनाल्टआ मुलुगनि बयनिखुइ धोनिसिन सुबुं जाबाय। फर्बसनि रियालटाइम बिलियनार्स फारिलाइन बायदिब्ला बर्नाइ अरनाल्ट एन्ड फेमिलिन नेटवार्थआ 207.6 आर'ब डलार जायो। बियो मुलुगनि बयनिखुइ धोनिसिन सुबुं'फोरनि फारिलाइयाव गिबि थाखोयाव।

बेरा फारसे, एलन मास्कआ 204.7 आर'ब डलारनि नेटवार्थजों लोगोसे बे फारिलाइयाव नैथि जायगायाव। एमाजननि फाउन्डर जेफ बेजसआ बे फारिलाइयाव 181.3 आर'ब डलारनि नेटवार्थजों लोगोसे थामथि थाखोयाव। बेरा फारसे अरेकलनि फाउन्डर लेरी एलिसनआ बे फारिलाइयाव ब्रैथि थाखोयाव। फारसेथिं बाथि थाखोयाव मेटा प्लेटफर्मनि क-फाउन्डर मार्क जुकरबर्गआ दड आर बेनि फारिलाइया 139.1 आर'ब डलार। रिताइन्स गुपनि चेरामेन मुकेश आम्बानीया मुलुगनि बयनिखुइ धोनि सुबुं'फोरनि फारिलाइयाव 11 थि थाखोयाव। बेनि नेटवार्थआ 104.4 आर'ब डलार। फर्बस रियेल टाइम बिलियनार्स लिस्टनि बायदिब्ला आडानी गुपनि चेरामेन गौतम आडानीया मुलुगनि धोनिफोरनि फारिलाइयाव 16 थि थाखोयाव। गौतम आडानीनि नेटवार्थआ 75.7 आर'ब डलार। बेरा फारसे, एचसिएएलनि क-फाउन्डर शिब नादरआ 34.8 आर'ब डलारनि नेटवार्थजों लोगोसे बे फारिलाइयाव 42 थि थाखोयाव।

# इरानआव पाकिस्तानजों नांजाबनाय सिमना खाथियाव सा 9 सुबुंफोरखौ बुथारनायजों जेंनाया बांफिन्दों

**तेहरान, 28 जानुवारी :** पाकिस्तानजों नांजाबनाय इराननि खोला-सान्जा ओन्सोलाव सिनाय मोने हाथियार लाग्राफोर थांनाय शनिबारखालि सा 9 सुबुंफोरखौ बुथारो। बेजों दरने हादतफोरनि गेजेराव जेंनाया बांदों। तेहरान पुलिसआ सिनाय मोने गाग्लोबग्राफोरखौ मिबथिनो नाजानायव नांथाबदों होना मिडियानिक्राय खौरां मोनाय जादों। सरकार खौरां एजेन्सि 'मेहर' नि मोनसे खौराडाव बुडोदि, गुलि गावनाया इराननि सिस्तान आरु बलुचिस्तान ओन्सोलाव थानाय सारावन शहरनि खाथियाव थानाय गंसे न'आव जायो। बेजों खाथि-खालानि ओन्सोलाव गिनाय थासांरि गोसरो। गाग्लोबग्राफोरनि सोमोन्दै



दासिमबो जेबो खौरां मोनाखै। सुलुनि बायदिब्ला भुगिनांग्राया इराननि नडमोन। आथिखालाव जेबो मावख'यारि मिडिया फसंथानआ गावनि खौराडाव गुलि गावनायनि खौरां होयाखै आरु रावनिबो हान्जाया

दासिमबो गाग्लोबनायनि दाय लायाखै। बे जाथायाव सा 3 सुबुंफोर जोखोम जायो आरु बिसोरखौ पाकिस्ताननि नोगोरिमोन होना फोरसायदों। सिनायमोने हाथियार लाग्राफोर जाय जायगायाव सा 9

सुबुंफोरखौ बुथारदों बे जायगायाव माखासे सान सिगां पाकिस्तानआ इराननि सायाव फिन एयारस्ट्राइकबो खालामदोंमोन। थांनाय सप्ताहयाव पाकिस्तानआ गोब्राबै उतखारिफोरनि केम्पफोरखौ नोजोर होनाबै बे ओन्सोलाव गाग्लोबफिन्दोंमोन, जेराव खमैब्लाबो सा 9 सुबुंफोर थैदोंमोन। बे गाग्लोबनाया मंगलबारखालि पाकिस्ताननि सा बाहागोयाव इराननि गाग्लोबनायनि उनाव जायो, जेराव खोला-सोनाब बलुचिस्तान ओन्सोलाव सानै गथ'फोर थैदोंमोन।

# सा करियाआ बे दानाव थामथि खेब कुज मिसाइलफोरखौ आन्जाद नायदों

**सियल, 28 जानुवारी :** आमेरिका, खोला करिया आरु जापानजों लोगोसे जेंनानि गेजेरजों सा करियाआ आरोबाव खेबसे कुज मिसाइलफोर गावहरदों। खोला करियानि सान्थिया रबिबारखालि बुडोदि, सा करियाआ सान्जा सान्थियारि जाहाज गाथोनिक्राय माखासे खेब कुज मिसाइलफोर गावहरदों। आथिखालाव, खोला करियानि जइन् चिप्स अफ स्टाफआ बेखौ फोरमायाखैदि, सा करियाआ बेसेबां कुज मिसाइलफोर गावहरदों आरोबाव बेयो बेसेबां गोजानाव थानानै गोलैदों। सुलुडाव फोरमायनाय बायदिब्ला, 2024 आव सा करियाआ थामथि खेब आन्जाद



नायदों। बेनि सिगां 24 जानुवारीखालि कुज मिसाइल गावहरदोंमोन। बेनि अनगाथै 14 जानुवारीयाव हाइपरसोनिक हाथियार लानानै थांनाय ठस इन्धन गोनां गेजेर थाखोनि जान्थाइनि बेलिस्टिक मिसाइलखौ आन्जाद नायदोंमोन। बावैसो सिगांनि दानफोरराव करियानि द्विप हान्जायाव जेंनाया बांदों। मानोना

सा करियानि दैदेनगिरि किम जं उनआ हाथियारफोरखौ बांहोनायाव गोखैथि लाबोयो। सा करियानि आन्जाद नायनायखौ लानानै आमेरिका, जापान आरु खोला करियाआ माखासे खेब जिंगासिनाय फोरसायखांबाय। बेजों लोगोसे आमेरिका, खोला करिया आरु जापानआ गावसोरनि जुथाइ सान्थियारि हुदाखौ फुवारदों।

# बारग' हादतगिरि ट्राम्पआ हादतगिरि पुतिन आरु जिनपिंखौ गोहो-गोरा आरु सोलो गोरों दैदेनगिरि होन्ना बाखायदों

**निउयर्क, 28 जानुवारी :** आमेरिकानि बारग' हादतगिरि डनाल्ट ट्राम्पआ आमेरिकानि गोखों सुथुर रासिया आरु चीननि हादतगिरिखौ बाखायनानै मुलुगनाडै दोहौ सोमजिखां होदों। बिथाडा ओरैबायदि समाव पुतिन आरु जिनपिंखौ बाखायदों, जेराव रासिया-इउक्रेन दावहाखौ लानानै आमेरिका आरु रासियानि गेजेराव गोबां जेंना सोलिगासिनो दड। लोगोसेनो ताइवाननि आयदा आरु गावजों गावनि गोरोबज्जलायैनि जाहोनाव चीनजोंबो आमेरिकानि सोमोन्दोया जेंना गोनां जानानै दड। मख'जाथावदि, 2024 नि



नभेम्बराव जानो गोनां आमेरिकानि हादतगिरि बिसायख'थिनि सिगां ट्राम्पनि बे बिबुंथिया सोराडाव फैदों। बिथानि बे बिबुंथिनि गोबां

जाहोन दिहुन्नायबो जादों। मख'जाथावदि, ट्राम्पआ रासिया आरु चीननि दैदेनगिरिफोरखौ जोबदो सोलो गोरों आरु गोहो गोर सुबुं होन्ना बुंदों। बिथाडा बुंवावदों, सानैबो दैदेनगिरिआनो सोलो गोरों आरु गोहो गोर, जाय गावनि हादतखौ जाफुंसार बानायनो गोखोडै नाजायो।

आमेरिकानि गावनि सुथुरनि बागै बेबायदि बाखायनाया गोबां बाथ्रानि फारसे इसार होयो। ट्राम्पआ फारसेथिं मोनसे इसारबो होदोंदि, बिथाडा खुंथायाव फैफिनोब्ला रासिया आरु चीनजों सोमोन्दोखौ फिन सिगांनि बायदिनो लाखिफिनगोन। लोगोसेनो

रासिया-इउक्रेन दावहा, इन्जाइल-हामास दावहा आरु चीन-ताइवाननि जेंनाफोरखौबो फोजोबगोन। सिगां आवबो बिथाडा हादतगिरि जायोमोनब्ला रासिया-इउक्रेन दावहाखौ फोजोबखांसिगोमोन होन्ना ट्राम्पआ बिबुंथि होबोबाय थादों। मख'जाथावदि, आमेरिकानि बारग' हादतगिरि डनाल्ट ट्राम्पआ रासियानि हादतगिरि ब्लाडिमिर पुतिन आरु चीननि हादतगिरि जि जिनपिंजों सरसन्सा आरु लोगोयारि सोमोन्दो दंबोयो। बिथामोनजों ट्राम्पआ मोजां सोमोन्दो लाखिबोदोंमोन। बिबदिवाव गनायनाय जादोंदि, जुदि ट्राम्पआ फिन हादतगिरि जायोब्ला, बेफोर हादतफोरनि सोमोन्दोया आमेरिकाजों सरसनस्त्रा एबा मोजां जाफिनो हागौ।

# अलास्का एयारलाइन्सआ बड़ मेक्स 9 उरानि सिबिथाइखौ गायफिनबाय



**पर्टलेन्ड, 28 जानुवारी :** अलास्का एयारलाइन्सआ बड़ 737 मेक्स 9 उरानि सिबिथाइखौ फिन जागायो। गंसे बड़ 737 मेक्स 9 उरानि सिबिथाइ होनाय समाव एबा उरानि खिरिखिया बायलानायनि जाथायनि उनाव गासिबो बड़ मेक्स 9 उरानि सिबिथाइ होनायखौ होबथादोंमोन। एयारलाइन्सआ बुंदोंदि, बेयो उरानिफोरनि जोबथा टेस्टखौ फुरा खालामनानै लायो। शुक्रबारनि सानजौफुआव सिप्लनिक्राय सेन डिएग'नि बिरखांनयजों लोगोसे मेक्स 9 नि सिबिथाइखौ फिन जागायो। मख'जाथावदि, बे दाननि जागायजेंनायाव अलास्का एयारलाइन्सनि उरानि बिरनाय समाव सा 171 दावबायारिफोर दंमोन। बे समावनो उरानि खिरिखिया बायलाडो आरु पर्टलेन्डआव उरानि इमारजेन्सि लेन्डि खालामनानेदोंमोन। अलास्काया बुंदोंदि, जुथाइ उरानि खुंथाइनि गेजेरजों नायसंनय मानदान्डाफोरखौ गनायथि होनायनि उनाव बुधवार मोनायाव गावनि गिबि मेक्स 9नि टेस्टिखौ जागायदोंमोन। एयारलाइन्सआ बुंदोंदि, गावसोर आसा खालामदों, गावसोरनि 737-9 मेक्सआव टेस्टिआ फैगौ सप्ताहनि जोबथासिमाव आबुं जागोन, जेराव गावसोर आबुडै उरानि बिरनायखौ फारिलाइ खालामनायनि गनायथिखौ मोनगोन।

# आमेरिकानि हादतगिरि ज' बाइडेनआ इहुदीफोरनि हेन्था सानग्राफोरनि हेन्थायै गसंनो समायखिरा लादों

**वाशिंग्टन, 28 जानुवारी :** आमेरिकानि हादतगिरि ज' बाइडेनआ इहुदीफोरनि हेन्था सानग्राफोरनि हेन्थायै गसंनो समायखिरा लादों। दा हिलनि रिपर्टनि बायदिब्ला, बाइडेनआ हलकस्टनिफ्राय रैखा मोनाय गासै इहुदी सुबुंफोरखौ गोसो खानाने माब्लाबाबो बिबिद जानाय नंला होन्ना समायखिरा लादों। आमेरिकानि हादतगिरिया शनिबारखालि हारिमायारि हलकस्ट गोसोखांथि सान (27 जानुवारी) याव मोनसे बिबुंथि फोसावयो। सुलुडाव फोरमायनाय बायदिब्ला, बे समाव इन्जाइल आरु हामासनि गेजेरावबो दावहा फोसावयो। बाइडेनआ सुबुंथियारि जारिमिननि बयनिखुइ गोसोम नायबिजिरनायफोरनि गेजेराव



मोनसे हलकस्टखौ गोसो खानानै दुखु मोननाय फोरमायनानै बुडोदि, आमेरिकाया मुलुगनाडै हादतफोरजों गोरोबलायनानै नाजिफोरनि गेजेरजों जिउ लानायनि सायाव दुखुनि सान फालिदों आरु थांनानै थानाय सुबुंफोरनो मान बावयो, जायफोर दाय गैया जासे गावबा गावनि जिउखौ अलखदआव खोख्लैदों। बिथाडा सोंखारिनां

बुंदों, हामासआ थांनाय 7 अक्टबरनिफ्रायनो इन्जाइलनि सायाव गाग्लोबदोंमोन, जेराव सा 1,200 सुबुंफोर थैदोंमोन। बेयो हलकस्टनि उनाव सानसेयावनो इहुदी सुबुंफोरनि हेन्थायै खालामनाय बयनिखुइ गात्रिसिन इनाइ-अनगरामोन। इन्जाइलनि सायाव हामासनि गाग्लोबनायनि उननिक्राय आमेरिका आरु मुलुगनाडै जिंगाया बांदों।

# रासियानि सायाव दावहायाव जोबथेना लाखिनायफोरखौ जिउ फोजोबनायनि दाय जाबसिन्दों

**कीयेथ, 28 जानुवारी:** इउक्रेनआ बै दाबिखौ नंखाय होन्नाबै बुंदों, जेराव रासियाआ इउक्रेनआव सा 65 दावहायाव जोबथेना लाखिजानायफोरखौ लानानै थांनाय सान्थियारि उरानि गावखलायनायनि दाय जाबसिन्दोंमोन। इउक्रेननि बिबानगिरिफोर बुंदों, रासियाआ गावनि दाबिखौ हेफाजाब होनो हानाय जेबो फोथायजाथाव फोरमान होयाखै। जोबथेना



लाखिजानायफोरखौ सोलाय-सोल' खालामनायजों लोब्ला थानाय इउक्रेननि एजेन्सिआ

बुंदोंदि, रासियानि बिबानगिरिफोरा बेलगरड ओन्सोलाव बुधबारखालि उरानि

जाब्रथायाव जिउ गोमानाय सा 65 इउक्रेनयारिफोरनि फारिलाइखौ गोबावै दैथायहरदों। दावहायाव जोबथेजानायफोरखौ सोलाय-सोल' खालामनायनि थाखाय रासियानि बेलगरड ओन्सोलाव लांगासिनो दडमोन। बेनि गेजेराव रासिया सान्थिआ 26-27 जानुवारिनि हर गेजेराव इउक्रेननि खार्किभ अब्लास्टआव कुपिआंस्क सहराव बमा गावहरदों। जेराव

मोनबै जायगाफोराव अर खामो। अर लुखोमोरग्रा हान्जाया बे अरखौ फैनानै सामलायफैयो। गंनै थाग्रा भवनफोर आरु गंनै गेरेजआव अर नाडो। हरआव गाग्लोबनायजों स्थाने लन्थकभनि गामिआव थाग्रा भवनआवबो अर नाडो। अदेबानि बे अर खामनाय जाथायाव जेबो रोखोमनि जेंना जानायनि खौरां मोनाखै।

# लकसभा बिसायख'थिनि सिगां एनडिआ केरेलायाव हान्जा सुरनायखौ जागायबाय

**कासरगड, 28 जानुवारी :** बिजेपिनि दैदेनाय बेखेवनानै सावन्तआ बुडोदि, केरेलायाव फैगौ राजगआ फैगौ लकसभा बिसायख'थिनि थाखाय थांनाय शनिबारखालि हान्जा सुरनायखौ जागायनानै गावनि हाबाफारिखौ जागायदों। राजगआ केरेलानि राजखान्थियाव हा साजों थियारि खालामनो नाजागासिनो दड। बिजेपिनि केरेला आफादिनि गाहाइ सुरेन्द्रनि दैदेननायाव राइज्यो नाडै हान्जा सुरनायखौ बेखेवनाय जथुमानि थाखाय बेलासियाव रेजा रेजा पार्टीनि मावसुमाफोर आरु दैदेनगिरिफोर कासरगडनि थलिपडुपो फोथायाव खौसे जायो। बे समाव नुजाथिनाय गाहाइ दैदेनगिरिफोरनि गेजेराव गावनि गिबि मन्थि प्रमद सावन्त, गुबुन हादतयारि राइज्यो मन्थि भि मुर्लिधरम आरु राजगनि राइज्यो दैदेनगिरि तुषार बेल्लापल्लीआबो दंफायोमोन। बे हाबाफारिखौ

लकसभा बिसायख'थियाव सोलायनायनि साखि जागोन आरु राइज्योयाव पद बिबार खिलिगोन। बिथाडा मावसुमाफोर आरु सुबुंफोरनि फिनजाथाया पजिटिभ होन्ना बुंदों। बे हान्जा सुरनायखौ सोलायनायनि दावबायनाय होन्ना बिथाडा बुंवावदों। केरेलाया गिबि खेब लकसभा बिसायख'थिनि समाव सोलायनाय साखि जागोन। बिथाडा राइज्योनि वामपन्थी सरकारखौ धगायसुला होन्नाबै बेखौ बोखारना गारानांगो आरु बे थांथिखौ आबुं खालामनो थाखाय हान्जा सुरनायखौ मदत खालामनांगो होन्ना बुडो। के सुरेन्द्रनआ गावनि सोमोन्दो लाखिनायाव बुडोदि, केरेलायाव बिजेपि राजगनि थाखाय मासिफोरखौ देरहानो आरु खाता खुलिनय जेबो गोब्राब बाथा नडा।

निउक्किलयार गोरोबथा जानायनि उनाव इरानआ दा हाथियार-ग्रेड थाखोनि खाथियाव युरेनियम दिहुनगासिनो दड। थांनाय 10 बोसोराव इरानआ गोबां गुसुं समनि थाखाय ग्रहसाफोरखौ कक्षआव दैथायहरदोंमोन आरु 2013 माइथायाव मासे मोखारखौ अखांमायाव दैथायहरदों। थांनाय बोसोरनि डिसेम्बरआव इरानआ फैबाय थानाय बोसोरफोराव मोनसे मानसि गोनां मिशननि थाखाय थियारि जाबाय थानाय समाव जुनारफोरखौ कक्षआव लांनो हानाय मोनसे केप्सुल दैथायहरदोंमोन।



## रहन बपन्नाआ जाऱिमिन सोरजिदों

गोदान दिल्ली, 28 जानेवारी: भारतन स्टार गेलेगिरि रहन बपन्नाआ अस्ट्रेलियान अपेनआव जाऱिमिन सोरजिदों। बिथाड गवनि लोगो गेलेगिरि मेथ्यु एबडेनजों लोगोसे अस्ट्रेलियान अपेन 2024 आव हौवाफोरनि जावजा बादायलायनायखौ देरहाना नै गिबियै हौवाफोरनि जावजा ग्रेन्डस्लेम बिमुंखौ देरहानो हायो। भारत-अस्ट्रेलियानि बिसोर सांनैनि जराआ रड लेभार एरेनाआव गेलेनाय फाइनल मेचआव इटलीनि सिमन बलेली आरो एन्ड्रिया बाउसरिखौ थोंजों सेटआव 7-6, 7-5 स्करआव फेजेन्दों। बपन्नाआ फाइनल बादायलायनाय गवनि मोजं फर्मखौ जोबनायसिम लाखिदों आरो लोगो बादायारिजों गवनि गिबि अस्ट्रेलियान अपेननि



बिमुंखौ देरहायो। एटिपि हौवाफोरनि जावजाआव मुलुगनि नम्बर 1 रेंकखौ मोनफिनायनि उनाव बपन्नाआ आरोबाव बे देरहानायजों जाऱिमिन सोरजिदों। इटली आरो भारत-अस्ट्रेलियानि जरानि गेजेराव जोबथा बादायलायनाय आवगायलाय आरो फावसायनायजों बुंफनायमोन। नाथाय एबडेन आरो बपन्नाआ

जागायजेनायनिफ्रायनो मोजं फर्मखौ लाखिदों। इटलीनि जराआ मोजाडै दिन्थिफुनायनि उनाव गिबि सेटआ टाइ ब्रेकारसिम थॉदोंमोन। जायनि उनाव बपन्ना आरो एबडेनआ गोब्राब नाजानायजों टाइ ब्रेकारआव देरहायो। बिसोर सांनैनि जराआ 7-0 स्करजों बेरेखा बादायारिखौ फेजेनायनि उनाव नैथि सेआव मोजं

फर्मखौ लाखिजेनो। बे सेटआव मोननै हान्जानि गेजेराव स्करआ मोनसे समाव 5-5 आव थाहैदोंमोन। बेनि जाउनाव आरोबाव मेचआ टाइ ब्रेकारआव सौहैदों। जायनि उनाव 43 बोसोर बैसोनि बपन्ना आरो 36 बोसोर बैसोनि एबडेनआ बाउन्सआव खेबनै गेमआव देरहानानै बिमुं देरहायो। बे बिमुंआ एबडेननि थामथि ग्रेन्डस्लेम बिमुंमोन। मानोना बिथाड 2013 आव जरमिला गजदसभाजों लोगोसे अस्ट्रेलियान अपेननि गलाय-गथाय जावजा बादायनायखौ देरहादोंमोन आरो 2022 आव गावनि हादरनिनो मे कस पार्सलजों उडम्बलडेनआव हौवाफोरनि जावजाखौ देरहादोंमोन।

## रबिचन्द्रन आस्विनआ टेस्ट उडकेट लानायनि फारिआव अनिल कुम्बलेनि रेकर्डखौ सिफायदों

गोदान दिल्ली, 28 जानेवारी: भारत आरो इंग्लेण्डनि गेजेराव गिबि टेस्ट मेचआ जानानै थाडे। बे मेचआव इंग्लेण्डनि टीमआ गिबियै बेटि खालामनानै 246 रन लादोंमोन। बेनि फिनायव भारतीय टीमआ 436 रन लानानै 190 रन सिगादों। बे बादि थारिआव गोबाडानो भारतीय टीमखौ बे सिरिजआव गोलैयेंनो देरहागोननि मिजिथि लादोंमोन। नाथाय इंग्लेण्डनि थाखाय नैथि इनिंसआव अली पपआ गोखों बेटिजों 196 रन लादोंमोन। लोगोसे बिथानि थाखायनो इंग्लेण्डनि टीमआ भारतयारि टीमो देरहानो 231 रननि टार्गेट होदों। नाथाय बे समाव आस्विनआ गोखोंडे गेलेनो हादों। रबिचन्द्रन आस्विनआ



इंग्लेण्डनि बेरेखायै गिबि इनिंसआव साथाम आरो नैथि इनिंसआव साथामनि उडकेट लादों। थामहिनाब बिथाड गिबि टेस्ट मेचआव 6 उडकेट लादों आरो बेजोंनो अनिल कुम्बलेखौ

उनाव लाखिदों। बिथाडा इंग्लेण्डनि बेरेखायै भारतनि थाखाय टेस्ट मेचफोरव नैथि बयनिखुइबो बांसिन उडकेट लानाय गेलेगिरि जानो हाबाय। आस्विनआ इंग्लेण्डनि बेरेखायै दासिमाव 94 टेस्ट उडकेट लाजायनि फारिआव कुम्बलेआ 92 उडकेटजों थामथि नम्बरआव

जायगा मोनो। गुबुन फार्स भागवत चन्द्र शेखरआ 95 उडकेटजों बयनिबो सिगाडव जायगा आवग्रिना नै दड। कुम्बलेनि उनाव बिसन सिंह बेदिआ 85 उडकेटजों ब्रैथि आरो कपिल देबआवो 85 उडकेटजोंनि बाथि नम्बरआव जायगा मोनो। आस्विनआ मुलुगनि गोखों स्पिनारफोरनि गेजेराव थिसनजायो। मानोना बिथानि मददजोंनो भारतआ गोबां मेचआव देरहाबाय। आस्विनआ 2011 आव भारतनि थाखाय गेलेसिन्दोंमोन। बै समनिफ्राय भारतीय टीमनि जानानै गेलेनाय 95 टेस्ट मेचआव आस्विनआ 490 उडकेट लाबाय। बेनि अनगायै बिथाड वन्देआव 156 उडकेट आरो टी-20 मेचआव 72 उडकेट लाखांवाय।

## सबालेन्काआ अस्ट्रेलियान अपेनआव बिमुं देरहादों



के नबेरा, 28 जानेवारी: बेलारुसनि स्टार गेलेगिरि आर्यना सबालेन्काआ आइजोफोरनि फाइनलआव चीननि किभन झेंखौ फेजेनानै अस्ट्रेलियान अपेननि बिमुंखौ जाफुंसारै देरहाबाय। मुलुगनि नैथि नम्बरनि गेलेगिरि सबालेन्काआ 6-3, 6-2 स्करजों गवनि नैथि ग्रेन्डस्लेम बिमुंखौ देरहादों। रड लेभार एरेनाआव बिथाड मुलुगनि 15 थि नम्बरनि झेंखौ खेबनैबो सेटआव आवगायफिनो खौ होयाखेमोन। जायनि थाखाय मेचनि समाव अन्सायगिरिफोर फारफोमथिनिफ्रायनो रंजानायजों गेलेगिरिफोरखौ थुलुंगा हरदोंमोन। 25 बोसोर बैसोनि

सबालेन्काआ थानाय 2 सप्ताहआव मेलबर्न पार्कआव गावनि फर्मजों बयखौबो सोमोनानहोदों। फाइनलसिम सौहैनायनि लामायाव बिथांजोआ टप 10 थाखोआव जायगा मोनाय कक गफ आरो बरबरा क्रेजिकभाजों मोगा-मोगि जानादोंब्लाबो गासै टुनामिन्डआव खेबसेबो सेटआव जेन्नाडालासे आवगायदों। बेराफार्स झेंआ फाइनलाव सौहैनाय लामायाव हेंथा मोनाखेब्लाबो गोखों सेलेन्जनि मोगा-मोगिआव सबालेन्कानि हेंथायै गिबि ग्रेन्डस्लेम देरहानायनि सिमांखौ खोमानाडो। बिथाड थानाय

बोसोरव इडएस अपेननि क्वार्टर फाइनलाव सौहैदोंमोन आरो बेयावबो सबालेन्काजों जेन्नादोंमोन। सबालेन्काआ 2013 आव लिनानि सायाव भिक्टोरिया अजारेन्कानि देरहानाय उनाव अस्ट्रेलियान अपेननि बिमुंखौ जाफुंसारैखा खालामदों आरो आइजोफोरनि हासि बादायनाय गिबियै बिमुंखौ देरहानाय बादायारि जानो हादों। बेलारुसनि स्टार गेलेगिरि सबालेन्काआ झेंनि सेलेन्जखौ 76 मिनिटआव फोजोबहेंनो हादों। झेंआ डब्लिउटिए रेंकनि टप-10 आव जायगा मोनगोन। जेराव सबालेन्काआ दैदेनगिरि इगा स्वितातेकनि उनाव नैथि थाखोआव जायगा आवग्रिनो हागोन। जान जिलिनस्की-सिह सु-वेइआ अस्ट्रेलियान अपेन 2024 नि गलाय-गथाय जावजाआव गावसोरनि देरहागोनखौ रोखा खालामदों। बिसोर सांनैनि जराआ मेलबर्न पार्कआव गेलेनाय फाइनलाव स्कुपस्की-डेसियार क्राजिक'खौ 6-7, 6-4, 11-9 स्करआव फेजेन्दों।

## डेभिच कापनि थाखाय भारतीय हान्जाया पाकिस्ताननि भिजा मोनबाय



गोदान दिल्ली, 28 जानेवारी: गोदान दिल्लीआव पाकिस्तान हाइ कमिसनआ पाकिस्तान आरो भारतनि गेजेराव जानो गोनां डेभिच कापआव वर्ल्ड ग्रुप-1 प्लेअफ मेचआव बादायलायनो थाखाय हेफाजाबगिरि मावफारियाफोरजों लोगोसे भारतीय डेभिच काप टीमो भिजा फोसावबाय। वर्ल्ड ग्रुप-1 नि प्लेअफ मेचआ फेगौ 3 आरो 4 फेब्रुवारिआव इस्लामाबाद स्पर्टस कम्प्लेक्सआव खुंजागोन। गोदान दिल्लीआव पाकिस्तान हाइ कमिसनआ मोनसे बिबुंधिआव पाकिस्तानसिम दावबायनायनि थाखाय

गेलेगिरिफोरजों लोगोसे हेफाजाबगिरिफोरनो भिजा फोसावनायखौ मिथिहोयो। पाकिस्तान आरो भारतनि गेजेराव वर्ल्ड ग्रुप 1 नि प्लेअफ मेचखौ खुंफुनाय जागोन। मख'नो गोनांदि, भारतनि डेभिच काप टीमआ 1964 नि उनाव गिबि खेब पाकिस्तानसिम दावबायगोन। भारतआ 2019 आव हायुं गेजेरारि बादायनाय मेचआव पाकिस्तानखौ 4-0 स्करआव फेजेन्दोंमोन। बेनि सिगाडव अल इन्डिया टैनिंस एस'सिएसन (एआइटिए) आ पाकिस्ताननि हेंथायै डेभिच काप 2024 वर्ल्ड ग्रुप 1 प्लेअफनि थाखाय सा 6

सोद्रोमायारि भारतीय टैनिंस हान्जाखौ फोसावखादों। भारतीय हान्जाया गोलाव समनि उनाव फेगौ 3 आरो 4 फेब्रुवारिआव इस्लामाबादआव खुंजानो गोनां स्पर्टस कम्प्लेक्सनि ग्रासकटआव बिमुंजों गिदिबोनो नाजागोन। बारग' गेलेगिरि रहित राजपालआ भारतीय डेभिच काप टीमनि केप्लेन महरै गेलेयालासे दैदेनगोन, जेराव जिसान आलीआ कच महरै टीमखौ नोजोर लाखिगोन। बबेखानि बे खेवआव भारतीय हान्जाया मुंदांखा गेलेगिरि रहन बपन्नानि मोन्दांथिखौ खोमानांमोन। 43 बोसोर बैसोनि बपन्नाआ गावनि जोबथा डेभिच काप मेचखौ थानाय बोसोरनि सेप्टेम्बर दानआव मरक्कनि बेरेखायै गेलेदोंमोन आरो भारतनि 4-1 स्करआव देरहानाय बिहोमा होदोंमोन। पाकिस्तानसिम दावबायनो गोनां भारतीय हान्जानि फारिआव युकी बाम्बरी, राजकुमार रामानाथन, एन श्रीराम बालाजि, साकेट माइनेनी, निकी कलियान्डा पुनासा, दिग भिजयनि अनगायै रिजाभ' केटेगिरिआव एसडि प्रज्वल देबआ दावबायगोन। लोगोसे रहित राजपालआ केप्लेन बिबानआव थागोन। दासिमाव भारतीय टैनिंस टीमनि डेभिच कापआव साबसिनै दिन्थिफुनाय रेकर्डआ खेवथाम बोसोर फारियै 1966, 1974 आरो 1987 आ थिसनजानानै दड। बैफोर सिजनआव भारतीय टीमआ नैथि थाखोआव जायगा आवग्रिदोंमोन।

## भारतीय आइजो हकी टीमनि पेनाल्टि कर्नारनि जर'खागिरिआ आजिरा फोसावबाय



गोदान दिल्ली, 28 जानेवारी: भारतीय आइजो हकी टीमनि स्टार डिफेन्डर दिप ग्रेस एक्काआ सिनियर हकी टीमनिफ्राय आजिरा लानो फोसावबाय। बिथाड 17 बोसोर बैसोआव गेलेनायखौ जागायनानै गोलाव सम टीमआव बिहोमा होखानायनि उनाव गावनि केरियारनिफ्राय आजिरा फोसावदों। उरिथ्यानि थगिबि एक्काआ ससेल मिडिया पस्टनि गेजेरजों गावनि आजिरा लानायखौ फोसावदों। लोगोसे मावख'यारि महरै गावनिफ्राय आजिरा फोसावनायखौ मिथिहोदों। गावनि आजिरा फोसावनाय पस्टआव बिथाड 2011 निफ्राय 2023 सिम गावनि केरियारनि जिउआव गोबां गोसोखांथावना जाऱिमिन जालानायखौ फोरमायो। लोगोसे गेलेनाय समाव भारतनि जानानै दिन्थिफुनो मोनायखौ गावखौनो गाव मान गोनां मोन्दांथिखौ फोरमायदों। एक्काआ सिगां फार्सै गावनि केरियारआव बाहागो जाबोनायनि थाखाय हकी इन्डिया, हकी एस'सिएसन अफ उरिथ्या आरो उरिथ्या सरकारनिसिम साबायख'र हरदों। बेनि अनगायै भारत सरकार आरो भारतीय गेलेमुखौ अन्सायग्राफोरनिसिमबो गावनि मददनि थाखाय साबायख'र हरदों। हकी इन्डियानि आफादगिरि दिलिप तिर्कीआ 10 बोसोरनिखुइ बांसिन समनिफ्राय दीप ग्रेस एक्कानि आइजो हकी टीमआव स्टार गेलेगिरि महरै बिहोमाखौ बाख्नायदों। हकीनि फोथारआव बिथानि जाफुंसारनायखौ उरिथ्यानि अनगायै हादरनाडेनो लाइमोनफोरनि मोनसे गिदिर थुलुगानि फोरमान फोरमायदों। गावनि केरियारनि समाव एक्कानि मोजां दिन्थिफुनायखौ फोरमायनानै हकी इन्डियानि जानानै गावनिफ्राय इयुननि थाखाय साबायख'र हरो आरो बिथानि मोजां केरियारनि थाखाय गहाम हामलायथि हरो। मख'नो गोनांदि, एक्काआ भारतनि थाखाय खेब 268 इन्टारनेसनल मेच गेलेबाय। जाय समाव बिथाड 24 गल सोनो हादों। एक्काआ 2022 बर्मिघम कमनवेल्थ गेम्सआव ब्रन्ज मेडल देरहानाय भारतीय टीमआव बाहागो जानायनि अनगायै बेनि सिगां 2014 आरो 2018 एसियाण गेम्सआव मेडल देरहानाय भारतीय टीमआवबो बाहागोआव दडमोन। बेनि अनगायै बिथाड 2016 अमेन एसियाण सेम्पियन्स टूर्ना आरो 2017 एसियाण कापआव बिमुं देरहानाय भारतीय टीमनि जानानैबो गेलेदोंमोन।

## श्रीजाआ डब्लिउटिटि स्टार कन्टेन्डर गवा 24 नि क्वार्टर फाइनलाव, मनिकाआ जानगारआव

गोदान दिल्ली, 28 जानेवारी: भारतनि टेबल टैनिंस गेलेगिरि श्रीजा अकुलाआ वर्ल्ड टेबल टैनिंस (डब्लिउटिटि) स्टार कन्टेन्डर गवा 2024 नि आइजोफोरनि हासि बादायलायनाय इन्वेन्टि क्वार्टर फाइनलाव सौहैबाय। बिथाड गावनि दावबायनाय लामायाव गोब्राब नाजानायजों देरहादों। जेराव मनिका बत्रा आरो आर्सना कामतआ गावसोरनि मेचआव जेन्नायजों जायखारनादों। हाइड्राबादन 25 बोसोर बैसोनि अकु लाआ प्री-क्वार्टर फाइनलाव हंकेनि डु हइ केमखौ 3-1(12-10, 8-11, 11-8, 11-8) स्करआव फेजेनानै गावनि फर्मखौ फोरमानआव लाबोदों। बिथाड देरहाखानायनि उनाव 2011



आव बे बादायारिजोंनो जेन्नायनायखौ फोरमायनानै बे खेवआव देरहानायखौ गोजोनाय फोरमायो। लोगोसे गावनि सानाय बादियै दिन्थिफुनो हानायखौ गोजोनाय फोरमायदों। भारतनि जौसिन मासिआव जायगा मोनाय मनिकाआ मुलुगनि 13 थि मासिआव जायगा मोनाय शियाअजिन यांजों 1-3 (11-9, 11-13, 7-11, 9-11)

स्करआव जेन्नादों। आइजोफोरनि हासि बादायनायनि गुबुन मोनसे प्री-क्वार्टर फाइनलाव बंगालुरुनि कामतआ खोला करियानि जिअन जिहीजों 1-3 (11-13, 11-9, 6-11, 4-11) स्करआव जेन्नाडे। अकुलाआ बेनि सिगां मुलुगनि 30 थि मासिआव जायगा मोनाय हाना गोदानखौ 3-0(11-8, 11-6, 14-12) स्करजों फेजेन्दोंमोन। मनिकाआ

खोला करियानि सुह ह्यभनखौ 3-1(11-6, 9-11, 11-9, 11-7) स्करआव फेजेनानै प्री-क्वार्टर फाइनलाव सौहैदोंमोन। कामतआ पुर्तुगालनि गियांनी शाअखौ 3-2 स्करआव फेजेनानै प्री-क्वार्टर फाइनलाव सौहैदोंमोन। बिथानोमहा गिबि सेटखौ जेनार्यनिफ्राय जुसिनानै 3-2(9-11, 11-5, 11-5, 8-11, 11-5) स्करआव देरहादों। यशस्विनी घरपडेआ मुलुगनि 13 थि मासिआव थानाय शियाअजिन यांजों 0-3 (1-11, 5-11, 5-11) स्करआव जेन्नादों। हौवाफोरनि हासि बादायनाय टप-2 रेंकआव जायगा मोनाय आरो 7 थि मासिआव जायगा आवग्रिनाय ह्युग'काल्डेरान आरो फ्रान्सनि 8 थि मासिआव जायगा मोनाय

फेलिक्स लेब्रूनआ गोलैयेंनो देरहानानै राउन्ड अफ 16 आव सौहैयो। नाथाय कल्देरानआ राउन्डअफ 16 आव जेन्नाडे। गावनि दावबायनाय लामायाव लेब्रूनआ सुइडेननि रुल्स मर्गाईखौ 3-0 स्करआव फेजेनो। मानब टक्कर आरो मानुप सहनि भारतीय जराआ हौवाफोरनि जावजा क्वार्टर फाइनलाव चीना ताइपेनि काअ चेंजु आरो चुअं चिह जुआनजों 1-3 (7-11, 11-7, 8-11, 9-11) स्करआव जेन्नाडे। आइजोफोरनि जावजा जोबथा 8 नि बादायनाय खोला करियानि शिन युबिन आरो येन झिआ सायली भाणी आरो तनिषा कटेचाखौ 3-0 (11-2, 12-10, 11-2) स्करआव फेजेन्दों।

फेलिक्स लेब्रूनआ गोलैयेंनो देरहानानै राउन्ड अफ 16 आव सौहैयो। नाथाय कल्देरानआ राउन्डअफ 16 आव जेन्नाडे। गावनि दावबायनाय लामायाव लेब्रूनआ सुइडेननि रुल्स मर्गाईखौ 3-0 स्करआव फेजेनो। मानब टक्कर आरो मानुप सहनि भारतीय जराआ हौवाफोरनि जावजा क्वार्टर फाइनलाव चीना ताइपेनि काअ चेंजु आरो चुअं चिह जुआनजों 1-3 (7-11, 11-7, 8-11, 9-11) स्करआव जेन्नाडे। आइजोफोरनि जावजा जोबथा 8 नि बादायनाय खोला करियानि शिन युबिन आरो येन झिआ सायली भाणी आरो तनिषा कटेचाखौ 3-0 (11-2, 12-10, 11-2) स्करआव फेजेन्दों।

## अली पपआ डाबल सेन्सुरिनिफ्राय जायखारनादोंब्लाबो रेकर्ड थिसन्दों

गोदान दिल्ली, 28 जानेवारी: गिबि टेस्ट मेचआ भारत आरो इंग्लेण्डनि गेजेराव सोलिंगासिनो दड। बे मेचआव इंग्लेण्डनि हान्जाया भारतनो देरहानायनि थाखाय 231 रननि टार्गेट होदोंमोन। बेतिनि समाव अली पपआ इंग्लेण्डनि थाखाय नैथि इनिंसआव गोखोंडे बेटि खालामदों। जायनि फारिआव बिथाड 4 रननि थाखायनो डाबल सेन्सुरि लानाय फेलें जानादों। अब्लाबो अलीआ भारतयारि फोथारआव मोनसे गिदिर रेकर्ड थिसन्दों। बिथाड जोबथा उडकेट महरै बे मेचआव आउट जाहेंदों। नैथि इनिंसआव

अलीआ थामथि नम्बरआव ऑखारदोंमोन आरो दिदोमै बेटि खालामदों। बे समाव बिथाड भारतयारि स्पिनारफोरखौ जेनायाव खोखेदोंमोन आरो जैरैथिबो फोथारआव स्ट्रक बुदोंमोन। भारतनि साथाम बलारफोरखौ अलीआ जेनायाव खोखेदों। रबिचन्द्रन आस्विन, रबिन्द्र जाडेजा आरो अक्षर पाटेलनि बलिंआव बिथाड गोखोंडे बेटि खालामदों। जायनि गेजेरजों बिथाड डाबल सेन्सुरि लानायनि साखाथियाव सौहैदों। बिथाड डाबल सेन्सुरि लानो हायोमोनब्ला इंग्लेण्डनि थाखाय भारतनि हेंथायै टेस्ट



मेचफोरव खेबनै सेन्सुरि लानाय 14 थि बेटसमेन जानो हागोमोन। अली पपआ नैथि इनिंसनि बेटिंआव भारतनि बेरेखायै खेब 21 ब्रे रनजों 196 रन लादों। बे समाव जशप्रीट भुमराहआ गावनि गिबि

इनिंसआव 1 रनल'लादोंमोन। अली पपआ भारतनि फोथारआव गेलेनाय नैथि इनिंसआव बे रन स्करजों बांसिन रन लानाय ब्रैथि गुबुन हादरयारि बेटसमेन जानो हाबाय। जायनि गिबि फारिआव एन्डि प्लावरआ गिबि फारिआव

जायगा मोन्दों। बिथाड भारतनि फोथारआव नैथि इनिंसआव 232 रन लादोंमोन। बेनि उनाव ब्रेन्डन मेकुलामआ नैथि फारिआव 225 रनजों जायगा मोनो आरो गारफिल्ड सबर्सआ 198 रनजों थामथि नम्बरआव जायगा आवग्रियो। बाथि नम्बरआव मेइ अनवारआ 188 रनजों अलीनि उनाव जायगा मोनो। इंग्लेण्डनि टीमआ बे सिरिजनि गिबि इनिंसआव 246 रनआवनो अलआउट जादोंमोन। बेनि उनाव भारतआ 436 रन लानानै 190 रननि फारागआव आवगायदोंमोन।

## भारतखौ फेजेनानै नेडारलेण्डआ अमेन वर्ल्ड कापनि सेम्पियन जानो हाबाय

गोदान दिल्ली, 28 जानेवारी: अमाननि मास्कटआव जालानाय एफआइएएस हकी 5 एस अमेन वर्ल्ड काप 2024 नि फाइनलाव भारतआ बिमुनि सिमांखौ खोमानांवाय। बिमुनि मेचआव नेडारलेण्डआ 7-2 गलनि फारागआव देरहानानै बिमुंखौ देरहानो हायो। एफआइएएसआ गिबि खेब बे फर्मेटआव वर्ल्ड कापखौ जाफुंसारै खुंफुंदोंमोन। फाइनल मेचनि 2 मिनिटआव जेनेके भेन डि भेनेआ गल सोनानै नेडारलेण्डखौ आवगायहोजेन्दोंमोन। बेन्टे वान डेर भेल्टआ उरनि 6 मिनिटआव दरनै गल सोनानै माखसे समनि गेजेरावनो भारतनि हेंथायै 3-0 स्करआव आवगायहोदों। बेनि उनाव लाना कालसे, सशा बेनिंगा आरो वान डि बेनेनि गल



सोनायजों गिबि हाफआव नेडारलेण्डआ 6-0 स्करआव आवगायदोंमोन। नैथि हाफआव भारतीय आइजो टीमआ आवगायफिनो नाजानानै गरनै गल सोदोंमोन। बे समाव भारतनिफ्राय ज्यति शेत्रिआ 20 मिनिट आरो रतुजा दादास' फिसलआ 23 मिनिटआव गल सोदों। अब्लाबो बेरेखा टीमनि हेंथायै आबु' समसिमआव समान

स्करनि गल सोनाय फेलें जाहेंदों। बेनि हेंथायै नेडारलेण्डनि टीमआ फिन गरसे गल सोफिनानै 7-2 स्करआव आवगायहोदों। फाइनलनि सिगां भारतीय टीमआ सेमिफाइनलाव खोला आफ्रिकाखौ 6-3 स्करआव फेजेन्दोंमोन। बे समाव अक्षता अबास' डेकालेनि अनगायै फारियै सा 6 गेलेगिरिफोर गल सोदोंमोन।